

四庫全書

史部

欽定四庫全書

史部

福建通志卷五十五

六

詳校官監察御史<sub>臣</sub>陳化龍

檢討<sub>臣</sub>德生覆勘

總校官檢討<sub>臣</sub>何思鈞

校對官中書<sub>臣</sub>張曾炳

謄錄監生<sub>臣</sub>安宇樂

欽定四庫全書

福建通志卷五十五

列女二

興化府

唐

江梅妃

莆田人年九歲能誦二南詩父奇之名曰采蘋  
開元中選為妃性喜梅明皇以其所好號為梅

妃舊屬文有蕭蕭梅花鳳笛綺意諸賦明皇嘗與妃

鬪茶顧諸王戲曰此梅精吹白玉笛作驚鴻舞一一

光輝鬪茶今文勝我矣妃應聲曰草木之娛戲勝陛下  
下設使調和四海烹飪鼎鼐萬乘自有憲法賤妾何

能較勝負也明皇大悅會揚太真入侍忌之遷居上陽宮後明皇憶妃夜遣小黃門滅燭密以戲馬召妃至翠華西閣叙舊愛繼而太真至妃歸宮作樓東賦以寓意太真聞之訴上以妃宣言怨望願賜死明皇默然他日嘗封珍珠一斛密令賜妃妃不受以詩付使者曰桂葉雙眉久不描殘粧和淚汚紅綃長門自是無梳洗何必明珠慰寂寥明皇覽詩惻然令樂府度為新聲號一斛珠及安祿山犯闕妃守節不屈死裏尸於溫泉池東梅株旁明皇歸感夢命發視大慟自製文誄之以妃禮塋焉

宋

盧氏

仙遊蔡琇妻端明襄之母襄為講官時仁宗遇之甚厚嘗曰有子如此其母之賢可知賜冠帔以寵

之萬安橋之建出自母志而襄成之



程氏

仙遊進士蔡高妻高為太康主簿卒於官程年二十四一男一女皆幼民哀其貧以錢百二十千為

賻程泣曰吾家世為廉吏不可以此污吾夫却不受

鄭氏

仙遊人適金華王介介以中書舍人忤時相徙右史知臨安其子瑩官浙漕時被論以鄭年老托言

改除鄭曰我已知之昔汝父以忤時相去國今汝及如此我以為喜汝復何憂時人稱為賢母

林氏

莆田鄭耕老母子四人耕老其季也父亡林謂諸子曰家事盡以累吾汝等一意向學無負先君之

思無謂子婦人而欺予欺予易欺塲屋難後子姪舉於鄉者十人三人同中者再成名者二耕老與仲兄

箕老也

林氏

莆田人樞相陳文龍母宋亡文龍為元人械繫送抗母繫杭州尼寺中病甚無醫藥左右視之泣下

母曰吾與兒同死又何恨哉亦死之  
衆嘆有斯母宜有斯兒為收塋之

明

徐氏二女

莆田人同知徐廷龍女長名淑英次名德英  
皆善屬文淑英適林瓚未幾寡誓死自守歌

孤雁以見志德英適俞氏子亦蚤寡守志女紅之外  
未嘗釋卷所著有建文紀孟母仇氏等贊及悼志賦

淑英亦有

貞懿堂集

方氏

莆田諸生周開妻幼能文及嫁聞有妹庚亦知書  
方教之常相酬答聞欲取其集合刻之方辭曰吾

婦人文非其宜也後聞蚤歿方哀毀矢節盡取生平  
所作焚之以故庚所作羹繡集行於世而方之集終

不傳年六

十六卒

以上名媛

唐

王氏

莆田陳如寶妻如寶蚤卒無子王守志奉姑姑卒捐金建寺於萍湖東山之麓曰順姑寺

方氏

莆田鄭如賢妻嫁數月夫卒父母奪之使嫁方誓死不二竟全其節

林氏

莆田吳麗妻麗遊學光州卒林撫孤日夜號泣不已謂族人曰吾所以不死者以有孤在也課子成

立以壽終

吳氏

莆田羅士程妻士程歿子甫五歲母年六十餘臨終謂吳氏曰親老子幼汝有何策吳曰死守而已

後撫子奉姑

兩盡其道

宋

王氏

趙子乙妻本睢陽人夫卒王守義事姑秀容縣君惟謹靖康失守王以塋土自毀背負姑攜幼子避

地而南越四年始達溫陵徙居於莆終焉一時陳正獻龔莊敏及諸名士皆以詩表之有云疇昔干戈百

戰場衣冠墮節半倉黃如何婉婉閨房秀能麗精神日月光其子伯愚伯達皆登第仕進不絕

李氏

莆田王孝曾妻嫁朞月夫死請姑為立後訓子皆應禮法王始窶甚李累積銖寸遂成中產舉三世

之喪以塋年五十六卒  
劉文定克莊誌其墓

薛氏

莆田林坊妻坊死薛年十八父母議嫁之薛遂漆身為癩以自堅其志云

黃氏

莆田方至道妻未逾年至道卒黃誓曰生為方家婦死為方家鬼豈有二天乎遂終身不改

潘氏

莆田官曰海妻曰海死於虎潘守志四十年無玷節

謝氏

莆田薛夢鯉妻夢鯉卒謝守志三十年邑令余善捐金賚之

常氏

莆田陳所蘊妻歸三年而所蘊死常謂姑曰婦今不幸惟日持冰心以報夫於地下且無貽姑羞孀

守六十  
年終

杜氏

莆田人適方綱逾年綱死杜終身齋戒年五十三歿

高氏

莆田人薛元第妻嫁未數月而元第卒於粵高聞訃日夜號慟不已三年喪畢高亦以哀毀死

薛氏

莆田人方大鏞妻嫁九年而寡二孤俱幼撫之慈且嚴卒以有成時有方松妻林氏嫠居貞行亦亞

於薛

翁氏

莆田殿中丞允成女林昭度妻昭度隨計卒於舒城翁年二十一守節不移事舅姑以孝聞課督二

子嗣宗嗣先俱擢進士  
郡表其里門曰孝義

黃氏仙遊人贈少保葉傳妻傳蚤死黃年二十四守節  
傾家貲創義瘠延名師教族里之子弟治家最嚴

子弟問起居非衣冠不接見後  
以曾孫顯為相贈衛國夫人

元

黃氏

莆田林子順妻夫卒居喪以禮事姑以孝喪葬畢  
自誓益固困窮不改子善同領鄉薦以祖母老不

赴禮闈行省賢之命  
主泉山書院山長

林氏

名道外莆田陳高妻林氏世有冠紳至道外父節  
為仙遊尉蚤死餘三孤僕然道外勤而撫之既歸  
陳以孝敬聞久之三弟繼死林氏且無後道外每值  
暮春輒往祭林先墓涕泗交流復告其族子書院山

長履為主其田  
賦以供菜盛

張氏

仙遊進士茅元妻元卒張年二十八二孤俱幼矢志堅貞舅姑繼歿喪葬盡禮二子亦先逝與婦黃

氏同撫孫師  
魯底於成立

明

林氏

名淑圓莆田人副使林時女永樂間時第進士觀政刑部緣門籍事誅誤繫獄發北京營建淑圓甫

七歲擊登聞鼓訴父冤仁宗監國南京矜其幼賜以飯遂宥時罪後隨任陝西母王氏病諸藥弗效淑圓年十二潛割左臂肉和粥以進母得瘥長嫁西安左衛指揮使費銘壽七十卒

方氏

名淑貞莆田林魯儒妻父昌齡善繪事淑貞亦知書工父業永樂間父以畫事召赴京師女兄淑儀

亦以畫女選入禁掖三弟俱幼淑貞獨與母居乃登魯儒於門而妻之未幾魯儒卒淑貞誓不二撫諸弟

以底於成

年八十卒

黃氏

莆田人御史黃建孫女適仙遊諸生林龍永樂間龍以指書應選與修大典再赴銓曹卒無子黃年

二十七或諷以他適泣曰吾夫儒流何敢以失節玷吾夫清操益堅年七十卒

徐氏

莆田鄭永迪妻年二十八寡妾許氏年二十皆有子二人相依撫教如一時稱鄭門雙節許先卒徐

年八十猶見其孫師烈領鄉薦

胡氏

海鹽人仙遊柯文炯繼室文炯為嘉興府司訓年六十三為喪子而娶之胡氏年甫二十居四年文

炯乞休歸胡氏母若兄諸文炯哀留文炯從其請胡氏於邑自矢以死相隨竟與同歸囊蕭索復被盜家



益瑩而文炯抱不仁之疾胡抱持水火三年如一日  
文炯為五言古謝之炯卒哀毀終喪及除服蔬水粗  
糲坐卧一室子姓雖垂白不得見其面嗣孫有庸及  
孫婦林氏孝事惟謹間有疾有庸精岐黃業亦不許  
握手診脈撫按聞  
之月給糧終身

鄭氏

莆田周則川妻年二十而寡無子撫姪為  
嗣守節六十餘年詔旌之孫軫官按察使

林氏

莆田黃子厚妻年二十六夫亡遺腹生子  
李興守志教育年七十七終詔旌其門

楊氏

名靖娥莆田人禮部員外蹠女顧文嘉妻  
年二十五夫亡無子撫二女孝養其姑

余氏

名淑玉莆田人吳師舜妻年二十一夫亡瑩粧奩  
以葬孝養舅姑比死喪葬復如禮有司奏旌其門

吳氏

莆田黃文廣妻嫁閱月而寡斷髮自誓事舅姑  
無違禮有遺腹子課督成立有司奏旌其門

林氏

名茂正莆田王崇貢妻年二十二喪夫矢志守節撫育子校後為訓導年八十餘有司奏旌其門

鄭氏

名懿德莆田陳遜勵妻年二十二生子衍甫四月而寡養舅姑撫其子後衍領鄉薦有司奏旌其門

鄭氏

名淑慎莆田莊李妻年二十五寡子幼姑老且病紡織以資湯藥姑歿為營宅兆葬之

林氏

莆田宋寄伯妻年二十九而寄伯歿守志養庶姑陳氏以孝聞教子勸後為訓導年九十三卒

林氏

莆田人年十八適江舜居生子瑄未逾月而舜居卒林養舅鞠子誓不易心有司奏旌其門

王氏

莆田柯澍妻年二十八寡子宗璧甫三歲誓不改節孀居幾三十年有司奏旌其門

陳氏

仙遊諸生盧瑞妻瑞卒子幼瑞兄欲以先塋一穴附瑞陳泣告曰夫婦之道生同室死同穴願以二

竈相待寧死無他事姑委曲年七十終與瑞合葬成化間禮部奏旌之

吳氏

名貞善莆田彭宏著妻年二十八寡二子俱幼家貧守節孝養舅姑年七十餘有司奏旌之

鄭氏

莆田陳銓妻蚤寡夫心守節有司奏旌之

林氏

莆田陳珍妻年二十一而珍卒無子守節終其身事聞旌表

王氏曹氏

俱莆田狀元柯潛妾潛卒王年二十八曹年二十七王子宗文尚幼曹無子並辛勤守志

依正室俞氏終其身詔以雙節旌之宗文後為中書舍人

祁氏

名淑惠莆田翁志宏妻嫁數年無子買妾生子未幾夫歿與妻力貧教子閭內肅然氏兄廷嘉之女

嫁王伯善亦蚤寡勵操彌堅撫其子有成年俱七十餘卒

陳氏

莆田林景靖妻生子稜方晬而景靖歿陳辛勤持家凡三十年以節終

趙氏

莆田林崇妻生子真寶方六月而崇亡趙年二十孀守撫孤年五十四卒孫熊為監察御史

李氏

名淑潔莆田林克昭妻年二十三孀守至老閭里稱之

陳氏

莆田人尚書彭韶祖母年二十二而寡守志撫子以節終

鄭氏

名妙義莆田李汝能繼室年二十六夫卒力貧養姑撫前子與己子同年七十歿

林氏

莆田人諸生陳邦貢妻年二十二寡子方五月守節無玷至六十二歿

林氏

名淑清莆田人翰林學士林文妹適陳經疇生子昕甫九月而經疇卒林年二十奉姑課子以孝節

聞卒年六十二

戴氏

莆田林道相妻年二十二夫亡守節辛勤紡績貿土葬夫姑病刲股以進

鄭氏

莆田林伯量妻年二十八夫卒無子鄭哀慟欲絕以叔氏子鑣為後事姑盡孝終始無瑕

戴氏

名節英莆田方旭伯妻年二十五夫卒二子岳岱俱幼矢志撫育岳後登第成名

朱氏

莆田人教諭方和叔妻盛年喪夫無子與姒戴節英同食貧勵操始終不渝人稱方氏雙節

黃氏

名懿德莆田貢士林時清妻夫歿時年二十四立夫兄之子為後晨夕課督守節四十餘年

吳氏

名貞玉莆田黃德茂妻年二十三而寡守節終其身

柳家三節

林氏名孟貞莆田柳惟豫妻也陳氏名淑慧柳廷茂妻也林氏名玉清柳廷新妻也俱盛

年喪夫守

節無玷

李氏

名淑清莆田太學生鄭習樂妻年二十一寡撫子鶴鳴成人守節五十餘年

徐氏

名淑淨莆田朱智深妻蚤寡撫幼子奉舅姑堅持志操三十餘年卒

林氏

莆田洪則孝妻年二十喪夫養姑教子終身無玷

吳氏

莆田諸生陳邦珍妻年二十二夫亡養姑撫遺腹子一節凜然

林氏

莆田人景州判官林獻女適李孟宜年二十八而寡奉舅姑撫二子誓不二天人欽其節

黃氏

莆田人長史黃師貢姊適林道淵年二十八而夫亡撫子文英成立壽八十餘學士林文為著貞節

傳

陳氏

莆田王德滋妻年二十七生女方晬而寡家貧脫簪珥營葬其夫父母欲逼之再適誓死不從

戴氏

名清莆田蔡本澄妻嫁二年本澄戍遼東念婦少艱跋涉買妾與俱戴父與約曰遼左天末寧得遽

返五年不歸可聽女嫁許之立券為信至期父語清  
曰可如約清泣不從獨居凡十九年本澄歸生一子  
未晬相繼亡戴哀毀幾絕父憐清無依潛受吳公瑞  
聘清聞曰吾平生事畢只欠一死使人呼為蔡家婦  
足矣即往父家與吳絕婚公瑞訟之官欲奪其志太  
守陳表嘉歎判令歸蔡太守王弼扁曰寡婦清之門  
王氏仙遊張琳妻年十九而寡養姑鞠子堅節四十餘  
年成化中旌門弘治己巳寇焚其居反風息火而  
門獨存曾孫  
文鎬登進士

丘氏莆田庠士林應述繼室年十六適林甫半載夫亡  
翁亦繼喪丘失孀居撫前人子如已出及子授室

而歿又撫其孫勤  
苦拮据以存先業

黃氏仙遊鄭主一妻年二十五夫歿撫  
遺孫紹業與婦孀居人稱雙節

李氏

仙遊郭長吉妻吉病謂李曰若未有子寧無他志李曰婦人從一而終我獨何人敢有異哉遂斷髮

示信吉卒守志不渝

弘治中詔旌其門

姜氏

莆田人仙遊謝景行妻年二十而寡無子苦志孀居至六十終

傅氏

仙遊諸生茅永妻傳年二十九無子事姑盡孝撫嗣以義壽六十有五

朱氏

莆田余舜民妻子淮甫三歲而舜民卒父母諷使再嫁朱泣誓不從家貧勤紡績以養舅姑年踰八

十以節孝聞

梁氏

莆田余待佐妻年二十七而寡子振光甫二歲有妻陳氏年十九遺腹生男撫孤守節二人同心六

十年如一日



李氏

名源清莆田林從弼妻年二十五夫卒二子秀茂俱幼守志終身秀長娶謝氏生一子有年秀又卒

謝亦誓死與姑共育有  
年後有年官至副使

王氏

名秉潔莆田人雲南知府偉女適林廷諫數年無孕為夫納妾張氏生子大順未晬而夫歿王年二

十九張年二十二矢  
節守貞終身不改

官氏

莆田朱洪妻蚤寡生一子興宗甫六歲撫育成入娶吳氏名淑婉生子定慶方晬而興宗又歿吳年

二十六與姑官氏共鞠定慶至八歲而官以壽終及定慶長娶婦王氏名一靜定慶又歿王年二十一遺腹生子文旺與姑吳紡織撫孤相依以終人稱三世一節

林氏

名貞一莆田人年十三父母許嫁方氏子未婚而方遠戍尋卒貞一為服喪三年茹素終身竟不再

適

方氏

名宜順莆田人封戶部主事方休徵女程麗甫妻麗甫蚤卒方守志事舅姑撫二子以貞節聞

吳氏

名淑清莆田諸生陳瑛妻年二十八夫亡僅一子五歲矢志終其身

梁氏

莆田方懷溪妻年二十五而寡苦節撫孤至受室後未幾亦歿與婦共撫孫陽以底成立

林氏

莆田人教授林瑄女黃與瑞妻年二十二夫卒子相甫二歲守志撫之後成進士以相貴封太安人

詔旌其門

方氏

名肅英莆田人行入方澥女陳公裕妻年二十而寡誓不易志擇伯氏子為嗣年六十三終

宋氏

莆田人給事中宋雍妹周孟聲妻年二十六寡立從子為嗣守節五十年

陳氏

名玉潔莆田人林仲熹妻年二十五夫卒子世栴尚幼父母欲奪其志陳以死自誓守節三十餘年

終

薛氏

仙遊黃永齡妻年少而寡撫其遺孤及婚亦天幼孫失明搏額籲天得完一目年七十卒

鄭氏

名玉姬仙遊人尚書鄭紀女適莆田周禮年二十六夫死一子復殤鄭守節以孝奉舅姑焉

李氏

名純德莆田黃儀韶妻年二十二寡僅一子文驚李哀毀幾不欲生或勸之曰夫既亡子又幼何過

慟乃爾李曰夫亡而背之不義子幼而棄之不仁遂葬夫教子兼撫夫弟之子文驚如已子守節三十餘

年文驚  
領鄉薦

林氏

名淑德莆田趙朝妻夫亡家貧子幼父母及姑欲嫁之引刀截斷一指卒全其節

陳氏

莆田黃樂善妻年二十四而寡守志撫孤始終一節

方氏

名伯善莆田李廷舉妻夫歿二女一男俱幼鞠育以底於成事舅姑承順惟謹年七十九卒

王氏

名永順福清人適莆田李朝禹蚤寡子幼舅沒未葬姑老且病氏朝夕女紅為養生送死之具鄉人

之重

郭氏

名端莆田葉繼甫妻年二十五寡力貧守節撫遺腹子養姑得其歡心壽五十餘卒

周氏

名淑志莆田陳永年妻年二十二夫歿無子亦無親族可立嗣者或勸再醮輒慟哭曰陳氏無可依

不有吾父母在乎歸盡鬻其奩具以置田宅伏臘供陳氏祀無廢壽八十四終

洪氏

名蘭莆田人林廷質妻年二十而寡一子在極力貧鞠育訓以義方壽七十有四

鄭氏

莆田宋思益妻年二十四夫卒無子姑陳氏老病朝夕侍養不少懈孀居三十六年終

林氏

莆田洪宗文妻夫卒哀慟幾絕其母勸之曰汝幸有娠若生男則洪氏之祀不絕後果生男塤力貧

撫教志操彌堅

陳氏

莆田人戶部主事周轍妻年二十八夫卒於官邸陳事舅姑盡孝立夫姪大寶為後撫如已子孀守

三十餘年終

李氏

莆田吳崇著妻年二十六而寡李懷娠纔兩月慟哭自誓曰天若祚吾家當生男子否則吾待死而

已及期生子默撫孤營葬艱苦備嘗守節至九十卒

陳氏

莆田人知府陳叙女適鄭光表踰年夫歿守志事姑立夫姪雲卿為嗣又天與婦沈氏撫孤相依詔

之獎

曾氏

仙遊陳念一妻年二十八夫與男相繼歿撫孤孫以堅苦終

胡氏

莆田歐茂仁妻年二十二夫亡僅一子寡守苦嚴內外所重郡有獄久不斷人白府君可問胡寡婦

守陳表過婦問之一言而決

陳氏

莆田王明德妻年十八而寡遺腹生子仕輅矢志三十載

吳氏

莆田陳宏和妻年二十九寡一子復殤乃以姪孫為嗣海遭閔凶守志不渝

宋氏

莆田林遜學妻年二十六而寡家貧子邦輝幼日夜紡績佐讀邦輝後領鄉薦知清遠縣

郭氏

莆田吳薇珍妻夫卒無子三年喪畢貧不自存依母以居吳郭相去里許伏臘忌辰必躬奠酌慟哭

而歸

吳氏

莆田陳誠卿妻夫卒僅一子父母憫其少寡欲嫁之不從逼之紿父入室治行遂引刀落髮出問曰

不知今尚可嫁否  
娶居十有五年卒

黃氏

莆田人周元惠妻年二十八寡無子黃哀毀骨立脫簪珥葬夫并買田數畝以奉夫祀守志不移

康氏

名睿莆田周伯服妻年二十五寡子幼家貧母欲奪之康泣曰周門哀替惟有一息何忍棄之遂誓

死不  
二

鄭氏

莆田吳士誠妻蚤寡有色其姊夫唐姓者堅求之不許適太監徵珠民間唐誣以多珠官索之急鄭

曰奴害我攜兒詣監言狀太監義而歸之後其兒名希聖者為郡諸生蚤死妻陳氏亦守志不嫁年至六

十希聖子曰則文娶於李生子二歲而則文夫其後子得癩疾不省人事李語姑曰吾家三世守寡所恃者子今已矣候姑寢自投井中

郭氏

莆田陳景正妻從父榮為贛州小官景正就婚焉閏兩月先歸卒聞訃哀慟即欲奔喪父母不許閏有為贛學官者其子喪耦來求婚父母許之郭泣誓不從一夕自經眾覺救免因寢疾嘔血自是力求歸陳陳亦遣人來迓父母遲之三年喪畢父解官歸居五日不辭而返於陳氏

林氏

名淑書莆田人御史林誠女適高瑤瑤卒子復瑤日夜蓬垢守志養姑以孝節聞

吳氏

莆田黃從周妻年十八寡母兄謀更嫁之守志不屈家貧孝養舅姑

陳門姑婦

仙遊陳景星妻王氏歸景星時祖居燬兵產業先貸於人王斥奩資勤紡績相夫復業年



二十七景星卒二子坦城俱幼家又落誓死甘貧撫以成立而城復早卒婦鄭氏年二十一子在襁王微諷之鄭指孤泣曰宣姑能之婦不能耶遂俱以節終

陳氏

仙遊張濛妻年二十三濛卒撫遺腹子常及常卒又撫一孫始終一節

林氏

莆田鄭璟妻璟父傑官青陽教諭璟省覲卒於途林年二十六矢志守節青陽致政還滌隨之養必虔歿則脫簪珥助喪葬撫二孤朝陽曦有成卒年八十四

吳氏

莆田鄭汝潔妻年二十六夫亡無子哀痛摧毀屏絕華飾既而家門多故先業蕩盡夫弟二人流落艱窶吳奉姑獨勤姑卒旦暮慟哭哀動里閭有司各加禮葬嘉靖中旌門

黃氏

仙遊林孔育妻年二十四夫卒無子守節終身

林氏

仙遊鄭善儒妻夫死遺孤未週苦志鞠育及長為倭寇所執林日夜號哭一夕其子夢有人指之逃

曰我若父也如其言得脫

鄭氏

莆田舉人陳燧妻燧任國子監丞卒鄭年二十四遺腹生子德昌妾康氏臨清人年二十生一女與

鄭相依弟琅迎兄觀至鉛山卒妻黃氏年二十三撫幼男矢志不嫁詔立三節坊

鄭氏

仙遊葉麒妻年二十四夫卒鄭事舅姑撫二孤艱苦備嘗姑病刲股療之及倭亂鄭抱孤自莆徙仙

遊今葉氏之傳自鄭始年八十有六

陳氏

仙遊李應辰妻年二十三而寡撫育遺孤姑病刲股者再

王氏

莆田林鉉妻年二十二寡無子以夫兄子渠為嗣撫如已出後渠領鄉薦

吳氏

莆田人知縣林議妻議以進士知縣榆縣卒吳年二十四無子矢志孀居遭兵燹貧甚棄田營葬以

女紅所積佐之足不踰閭衣布食淡而奉祀無缺以壽終

林氏

莆田方攸宜妻嫁甫閱月而攸宜卒誓不再醮立姪為嗣撫若已出年六十餘終

陳氏

莆田徐從敬妻從敬弱冠從祖父朝儀官彭澤學諭宸濠難作朝儀投印歸從敬道亡不知所之陳

夫節自靖後子純官廣德知州

吳氏

莆田人提學吳智女年二十六夫卒無子家又多故拮据奉姑姑卒哀動閭里詔旌其門

林氏

莆田諸生曾睿妻年二十一而寡力貧養姑撫子姑陳病篤刲股和粥以進姑病遂甦

陳氏

莆田余時和妻早寡無子茹苦食荼孀節凜然

江氏

莆田林世誠妻年二十四夫歿生子菁我甫及晬誓死鞠育菁我補府庠生

王氏

仙遊官起鳳妻年二十四寡奉舅姑撫孤子年九十餘

許氏

莆田林在勉妻年二十五喪夫遺孤纔七月家衆謀奪其志許誓死不貳歷三十餘年卒

方氏

莆田諸生林實夫妻年二十而寡遺腹生子轍守志撫教年八十五轍為陽春訓導乃卒

林氏

莆田黃師罷妻年二十一夫死無子守節五十餘年詔旌其門

張氏

莆田人御史張曰韜妹舉人黃肯堂妻年二十六守節子洪昆洪昆俱幼撫教成立洪昆成進士官

至副使詔

旌其門

劉氏

莆田諸生林守元妻年二十一而寡無子食貧守志勤紡績以代夫弟婚娶夫弟事之如母當事月

給米以恤之  
年六十五卒

**蔡氏**

莆田陳以信妻以信瘋癰瘡症氣不可近蔡扶持勤慎家窶甚無子舅姑憐而欲嫁之蔡曰命也背

之不祥以信卒蔡為  
立嗣事舅姑益專謹

**鄭氏**

莆田林仲華妻年二十二孀居撫遺腹子成立御史聶豹月給米優卹年八十三終

**林氏**

莆田李汝謹妻年二十四寡道腹生子敦化撫之成立娶婦程氏敦化又大程年二十六復遺腹生

子天錫姑婦相依天錫娶陳氏年十九又寡遺腹生子于蕃亦不再適三世守節俱以壽終

**鄭氏**

莆田諸生朱道本妻年二十四寡誓死守節當事月給廩米年八十三終

**吳氏**

莆田張子文妻年二十七而寡立夫姪大觀為嗣娶江氏亦年二十七寡姑婦執箠俱以節終

陳氏三節

莆田陳尚樂妻俞氏早寡守志後其孫泉娶於方亦早卒方撫二子甘雨甘露甘露娶於

鄭又天鄭守節如姑甘雨後貴封方為孺人

林氏

莆田黃大雅妻夫歿時年二十二僅生一女武弁有欲請婚者斷髮自誓孀居六十餘年

吳氏

莆田諸生姚文燦妻年二十而寡斷髮誓志終身未嘗見齒當事優給月米壽八十有七

陳氏

莆田廖大訓妻年二十二而寡遺腹生子慶食貧撫教後慶登進士官主事封太安人

吳氏

莆田康正福妻嫁四閱月夫亡遺腹生子父母勸改適不從辛勤紡績以育其子年七十卒

吳氏

莆田舉人宋宣妻宣計偕卒於旅邸吳孝事翁姑以姪萬葉為嗣壽八十一以萬葉貴贈恭人

張氏

莆田鄭子會妻年二十三子會病不能語書節孝勤儉四字并木尺一條付之張抱二子與訣斷一

指為信髻滕藏字與尺時出  
示孤日僅二食守節終身

李氏

莆田余國盛妻年二十二而國盛客死無子李即自經姑救解竟以成疾守志三十餘年卒

林氏二女

莆田諸生柯木妻年二十八而寡子曄幼舅姑老氏盡孝養撫曄成立娶婦林氏年二十

二亦寡誓志撫孤與姑同  
節當事優給月米一石

鄭氏

名采繁浙江西安縣人莆田方名南繼室也諳文史年十六歸召南召南登進士卒於京鄭在西安

聞訃扶輓還莆年二十一守志事姑閱諸書見小學中載漢陳孝婦事手抄百餘紙以自況姑病刲股以進撫庶子如己出知府周大禮扁其堂廩膳之

林氏

莆田陳善保妻年二十四而寡事老姑撫幼子始終一節以子文靜貴封太孺人

戴氏

莆田吳良質妻年二十二無子而寡孝養老姑病篤封股療之隨愈數年姑歿賣屋為之營葬

林氏

莆田舉人方繼曾妻夫歿貧且無子忍死養舅壬戌城陷亟扶舅絕城舅老悖不能下乃垢面男髻

扶舅歸伏其夫棺側賊獲之笞舅請以身代賊兩釋之戒諸黨勿藝其居

陳氏

莆田孝子宣鳴虞妻鳴虞從御史陳傑講學事父母孝孝蚤卒甘貧撫遺孤以壽終

林四娘

莆田舉人蔣龍妻龍計偕卒旅邸林年二十二無子姑老藉女紅以養倭賊亂扶姑匿山谷間

忽遇賊自赴於水既沉復浮賊鉤置壑上氣絕得復生數載姑歿捐衣被為殮單衣度寒三飧不給

鄭氏

莆田諸生陳洪宗妻早寡立志守節姑病封股以進姑果瘳

朱氏

名季貞莆田劉貴文妻劉閔之母也夫亡閔方三歲次子聞猶在乳三子閔則出於俞氏媵方二歲



朱堅確守志俞氏化之女稍長教女儀既嫁教以婦道男稍長遣就外傳始有知即教以人倫大義勤儉立家撫諸子

均平如一

崔氏

莆田康長源妻長源卒子太和僅七歲翁輒哀老崔拮据辛勤奉翁課子纁車聲聞丙夜後以太

和貴累贈淑人

林氏

莆田許克溫妻姑歿事舅盡婦道舅年老左右扶持如護嬰兒宋教諭叔明居隔一壁經年不聞其

少有齟齬聲常以語人莫不嘆服

林氏

莆田黃恭甫繼室嫁時夫已抱疴林供湯藥不懈剗股和粥以進三年夫歿無子林自經家人救免

杜門撫前室女孀守三十餘年

吳氏

莆田林端五妻年二十二夫死撫遺孤應俊應俊死婦朱氏復勵志守節姑婦相依當事優給月米

謝氏

莆田諸生吳東周妻年二十三而寡雙白在堂家無擔石辛勤節儉養生送死各盡情禮宗族稱之

林氏

莆田庠士陳致恭妻二十而寡事姑孝倭亂兒達墀方八歲為所擄鬻產贖歸備嘗辛苦迄於成立

林氏

莆田人知縣鄭正規繼室年十七父攜往合浦縣成婚至則正規病篤不克合奄櫬歸父家曰未成

婦也可重行不許  
婦守二十餘載卒

林氏

莆田楊鎮妻年二十五而寡僅一女紡麻自給適有寇患流離遷播矢志益堅尋鬱鬱死

張氏

莆田洪肇曾妻年二十而寡遺孤纔兩月舅老姑其繼也張奉養惟謹已而姑忽失明扶持洗滌二

十年如一日兩世  
之喪悲出經理

陳氏

莆田人知州陳文熙女馬全昌妻年二十而寡刻

泣辭之命垂絕畫家至欲圖其面猶以兩手蔽其面而卒

陳氏

莆田吳概妻年十九寡撫孤明卿娶婦周氏亦年十九寡姑婦相依俱以節終

方氏

莆田程庠妻倭亂庠嬰夙疾方扶之縋城又傷足方追隨壕莽中數日取衣裹水濡沫之庠自分必

死勸方遁方垂淚不行庠斃乃尋故居同家衆負尸歸殯時年二十四事姑甚孝

鄭氏

莆田陳嗣楚妻年二十三而寡一子繼歿孀居三十餘載未嘗暇戶外

鄭氏

莆田邱伯載妻年二十二寡無子舅早世與姑曾氏相依家貧紡績茹素二十年營葬舅與夫畢即

減食哀慟而絕

顧氏

莆田鄭開端妻年二十而寡有妾王氏年十八遺  
腹三月己舉男俱矢志不二姑病封股以進孀居

者五

十年

鄭氏二女

莆田人一為葉宗仁妻年二十四而寡孤甫  
四歲一為宗仁姪時煥妻年二十五而寡孤

甫五歲二鄭姑姪成業叔姪志相依茹荼  
飲血四十餘年各撫孤成立人稱雙節

唐氏

莆田諸生黃芳栢妻年二十二夫亡遺孤個甫四  
月矢志勵節儻又早世與婦林氏筑筑相守拮据

營二代喪葬晚節  
孤苦尤人所難

陳氏

仙遊諸生茅公輔妻早寡撫遺腹子矢志食貧每  
紡績無燈則移月就光以繼之孀居三十餘年卒

林氏

仙遊陳鳳柱妻年二十二寡子未週歲舅姑繼亡  
夫弟在襁褓林同己子雙乳之伶仃孤苦鞠育備

至每對人泣云所以不死者為  
陳氏兩脈在耳卒年四十二

黃氏

德化人仙遊曾先主妻年二十九夫卒母欲嫁之泣曰受托幼孤豈忍負之若復相逼有死而已郡

人林俊贈以詩曰白日湘娥淚紅顏子建詩仙湫還本脈慈竹又新枝心事寒燈火年華舊布帷青鸞消冷影春去不曾知

林氏

莆田戴宗泗妻憲副廷陞女也夫死矢志靡他積金創祠祀舅姑而夫祔焉父病刲股至再

李氏

仙遊人年十五母病刲股愈之二十二歸方懷珍三年而寡姑病復刲股愈之守節至七十有五卒

戴氏

名琇姐仙遊解元戴震雷女年十四母鄭氏病與庶母陳宮娘同刲股療之

李氏

莆田李六秀女性孝以無兄弟欲終養及嫁其夫又卒李朝夕垂涕不食舅姑憐其志許以歸寧既

歸恒致甘旨於舅姑不廢婦職父病劇封股減筭及卒哀毀骨立罄家貲營塋終奉祭祀

郭氏

莆田人名三莊父官海豐倉使母病羹左股以進病尋愈月餘父又病割右股亦還愈士民上孝感

狀當道禮而旌之時年方十四郡人鄭弼求為仲子東都婦不幸早卒

張四娘

莆田張純昭女母病焚香祝天封股以療母遂瘳

林氏

莆田周道純妻家貧事舅姑極孝舅病篤林封股和粥以進舅絕飲食數日矣強吸一飧遂愈

羅氏

莆田黃思綱妻姑病諸藥罔效氏封股食之病遂愈

吳氏

莆田張秉孚妻姑病焚香祝天請代因封股和糜以進姑愈

劉氏

莆田蔡繼璣妻姑病封股愈之又手腕焚香告天請以身代

彭氏

莆田周希瑜妻性篤孝姑病右臂焚香籲天尋就愈

曾氏

莆田林堅妻年十八寡遺腹一女誓志嚴潔事姑以孝聞

方氏

莆田莫志喜妻家貧事舅姑孝舅赴省闈歸得疾篤氏刲股和粥進舅立愈姑郭氏病劇刲股弗效

乃割肝以療姑病隨瘳終身不令人知誠子婦曰吾為貧耳非為名也願汝曹勿效之

方氏

莆田莫銘琨繼室年十七嫁數歲不孕為夫買妾及夫卒即閉戶自經以救解雙目因之失明持齋

素二十餘年足不越戶外

洪氏

莆田林理妻嫁六閱月而寡矢志守節每逢佳節輒慟哭幾絕孀居十年以哀毀卒

祁氏

莆田人少聰明有志操授以孝經列女傳輒通其義長適翁姓夫早卒祁年方二十僅一子在襁矢

志靡他坐閨閣以紡績為事一日洒掃室庭妯娌戲曰豈今日有客至耶祁嘆曰雖無賓客至自有鬼神知後其子成立年稍高族中暨隣家女以傳母事之訓詁孝經女訓諸書嚴憚肅然

陳氏

莆田諸生吳造妻年十七寡守節撫遺腹孤孝事舅姑備極勞苦父母憐其貧諭令再適陳引刀斷

喉以救甦事聞奉詔旌表

黃氏

莆田太學生林勗妻年二十守節撫孤值寇亂百折不移力貧為舅姑與夫營葬壽至八十卒

嚴氏

仙遊諸生蘇際隆妻姑與夫俱歿遺腹子又孺家貧與舅相依舅目失明或勸之歸父家嚴泣曰舅

老目眈我去何忍備嘗艱苦不出閨門者十六載卒

嚴氏

名緞娘仙遊人許配施子言子言有瘋癰之疾其母恐悞嚴氏欲辭婚嚴父母方咨度未定女聞之



不從既而子言父沒女為之服一日告其父母竟歸施家子言瘋卧女拜其母執婦道終子言之世竟以處女貞

其節 以上節孝

### 宋

方氏

莆田人光祿卿方偕女薛瓊妻年十九夫卒日夜仰天大哭數月自縊死

李氏

莆田陳元伯妻元伯溺水死李尋其屍不見遂自投於水轉運副使鄭廷芳作詩祭之

張氏

莆田人適崔世德三年而世德卒遂自縊以殉

章氏

莆田方大道妻家遭疫氣死亡已半章謂大道曰天災其免乎卒不免數日大道亦歿章撫棺大慟

數月遂自經死  
邑令捐金瘞之

伊氏

莆田進士伊樅女議配鄭如理未嫁夫亡伊服喪三年畢自縊殉之

朱氏

莆田人通判興化軍陳用虎妻元兵入閩用虎兄文龍知軍事發兵固守元兵入執文龍去朱恐用

虎不免遂自經死

明

陳氏

莆田崔儀妻儀故貧陳勤女紅佐之孝養舅姑庭無間言儀登弘治庚戌進士以病請假歸未幾卒

陳氏視殮畢即入房自經而死事聞詔旌其門

陳氏

莆田舉人盧士行妻未幾夫亡視殮畢以帛自經家人救解遂絕粒十餘日嘔血數升而逝

姚氏

莆田諸生李一復妻年二十夫卒不食自經死

王氏

莆田張廷光妻廷光隨父卒於官邸久之父亦卒王年方二十姑吳私與季子謀嫁之王誓不再醮

後自經死郡人御史朱澍為之傳

陳氏

莆田朱雲衢妻年十九夫歿矢志守節姑及父母欲奪其志陳遂自盡

鄭氏

莆田鄭守典女幼議婚於陳七七弗類祖希珍請海婚鄭絕食誓死及于歸事希珍孝謹七果有稔

惡鄭乃以扇掩面自經而死

陳冰娘

莆田許有容未婚妻年十八以烈殉萬厝間旌表

陳氏

名若瑛義門人許字舒郎未婚舒歿陳不食死題詩云有女名若瑛義門陳氏子女紅中饋餘頗亦

嫻書史十九聘舒郎雙璧燦盈貯百年偕老期竟為天所阻妾身雖未明妾心良已許豈無展轉匹志奪

妾所恥名既為君婦能不為君  
死我生尚氣節賦終毛髮豎

陳氏

莆田朱朝勲妻夫病到股顛天  
請代及卒視殮畢閉戶繼殉

林氏

莆田廩生魏雲章妻雲章病林封股而愈九年  
病復作竟不起林氏哭奠畢更衣自縊而卒

陳氏

仙遊林咸妻年二十二夫死遺孤二歲紡績養舅  
姑母兄陰主其婚迫之嫁陳度不能免乃抱兒訣

別從容繼死當  
事捐俸營葬

黃氏

莆田詹東直妻嘉靖倭寇猝至與姑同被獲賊索  
姑金帛筆捷慘酷黃號哭願以身代賊殺其姑黃

厲聲哭罵奪其刀自殺事  
聞旌表鄭善夫作苦節行

陳氏

莆田王原德妻居王莊孀居二十八年賊至盡得  
王莊諸婦女惟陳抗死房閨中事聞旌表鄭善夫

為作傷  
哉行

丘氏

莆田舉人邱謙女高安簿陳準妻年方艾流賊入其家邱時在樓二賊擒之遂投樓下死郡邑旌之

葬於舅姑之墓側夜時有火光後占墳有水啟之別竈皆水滿獨邱竈有團火出穴人謂正氣所感

王二娘

莆田王待魁女方笄廣寇至掠女行至屋後山下有大潭給以飲水解帛束衣投潭死順流

浮海數日後乘潮而迴肌體不露顏色如生有司以聞詔樹坊表其墓今人稱其潭為烈女潭

柯氏

莆田諸生林觀廬妻倭圍城語妯娌曰城陷死矣賊至被執至顧家池亭賊稍侵之遂赴水死事聞

旌表

陳氏

莆田人魚臺尹鄭任妻倭入城即投井以救免同夫被執毅然必死既而夫釋獨留遂罵賊死歸殯

之顏色如生

王氏

莆田林文鉞妻早寡撫孤有孫矣城陷遇賊賊欲及之孫廷準曰祖母守節願殺吾賊殺準王得釋準妻黃氏縋城遁入山聞夫死不食死準弟廷溉以護幼弟出城為賊所殺婦鄭氏適被繫亦自投白馬

潭中

鄒氏

莆田諸生鄭肇妻倭賊陷城肇被賊執舅引姑及鄒匿鄰舍天明賊獲之逼使前鄒奮曰死即死耳不可前也賊怒刀刺洞胸血被地猶屹然坐姑驚號賊斫姑頰鄒益憤罵激烈賊刺其喉死

張氏

莆田王大勳妻年二十二夫亡自吃糠覈以米啗姑遺腹生男撫教之賊入城與婦朱氏扃門燔死

陳氏

莆田黃河妻河陷賊賊質以索鏹陳遍貸宗人無所得乃詣賊圍請代告賊曰必放夫出鏹乃可得

逾旬河不至賊以為給  
己引出割其乳立斃

黃三姐

莆田人參議黃大康女陳復拱妻年十七遇賊  
垢面冀免污賊逼之梳洗黃哭罵奮前奪刀賊

大怒曳之出黃且指且罵賊刀劈之五指俱  
落仍刺殺之同俘者覆以青袍積薪焚其屍

陳氏

莆田諸生林觀文妻年二十四守志又四  
年賊陷城被執不屈賊生縛而投之火中

陳氏

莆田吳應桓妻年二十七寇獲之大號曰  
一死便休豈從汝耶仆地不起賊刃之

陳氏

莆田黃士寵妻士寵蕩子也陳俯拾仰取生有男  
女而士寵歿舅欲嫁之涕泣跪庭自明志義無何

男女皆夭志節益堅寇且至城中屢驚語人曰  
吾聞死而無辱則魂魄不媿竟被虜赴水死

陳氏

莆田人尚寶卿陳麓之女李塗妻塗嬰疾陳  
事姑甚孝年十九倭執而逼之罵賊投水死

翁氏

莆田人布政使翁茂南孫女高翰妻賊入城氏抱姑哭賊殺姑已復殺其幼子脅以刃曰不從刃及

汝矣氏罵曰姑死子死吾獨生乎伏姑屍大哭遂遇害

郭氏

莆田人知縣鄭文煥繼室賊執欲污之厲聲罵遂遭害

蕭氏

莆田鄭若濟妻倭臨江口若濟遇害時蕭入城內聞訃即出城投橋下死

林氏

莆田雍士憲妻倭至姑卧病林不忍去賊至將殺姑林請代賊見林色悅之免其姑縛林去至渠河

林給曰不須縛願自行賊信而解之遂投河死

黃細娘

莆田阮有道妻居海上聞倭警攜二子附舟避之賊追至赴水死時夫弟道充妻陳氏亦赴水

年俱二十餘



林氏二女

莆田人。莆奇烈奇照妻。同居十年。義不可辱。當求

所以生二孤耳。奇照妻縋兒城外。投城下。從之奇烈。妻則毀面易丐者服。從城門出。奇照妻足傷。尋卒。奇

烈妻被傷。仆地力護其兒。居月餘亦卒。

鄭氏

莆田吳緒妻。夫亡。勵節城陷。死焉。子日謹。領鄉薦。

鄭氏

莆田林承芳妻。遇賊。憤罵賊。怒割其左耳。罵益厲。賊復割其右耳。又罵賊。大怒。割其鼻。逐之時。夫死。

室燬。乃歸父母家。與弟拾野萊。取松毛以自給。

陳氏

鄭東野妻。賊入城。即投井。人救出之。同夫被執。罵賊死。

唐氏

莆田諸生蘇茂妻。倭圍城。指後庭井。謂賊。獲曰。城陷。此吾死所矣。倭入城。盡室逃竄。唐氏投井死。以

子廷龍貴  
贈孺人

游氏

莆田諸生周大佐妻倭亂被繫至燕樓前露及臨

遂為  
所害

西門女子

莆田人賊至匿西門竇中賊得之據地不起  
賊怒刺其喉四五日顏色如生頭微俯如支

頤之  
狀

張氏

莆田諸生宋茂淳妻遇賊逼具脂粉張號詈盡碎  
其具賊欲及之受以頸乃禁之密室潛自牖出抱

乳兒  
下井死

二卅女

莆田人姊妹也賊欲污姊姊厲聲大罵值火  
發遂赴死已而及妹亦投火從之賊吐舌去

何氏

莆田郭景順妻年二十五遇賊勒之不從欲兵之

其頸以示同俘時冬方衣絮領厚何自抑衣領伸頸受刃嫚罵祈死賊怒殺之投屍海中

黃氏

莆田庠生李啟謨妻方盛年賊至乃匿其舅雞栖中覆以麥草與二女投水死

朱氏張氏

俱莆田黃采之妻賊入城朱自經死張與采被執賊屢犯不從執采焚之張自投烈火死

朱年二十五  
張年三十

蕭氏

莆田鄭日新妾名翠鬚與其婢同為賊執曰吾必死之即以所生子付其嫡妻既至賊逼之不從伴

欲殺之即引頸受刃如是者三婢勸之曰何自苦乃爾怒罵愈厲賊殺之

翁氏

莆田黃懋志繼室莊重美姿賊見而悅之翁給以更衣自經死

高氏

莆田人知縣黃約妻城陷抗賊死節

劉氏

莆田人都憲劉勲孫女庠生林須恭妻年二十六姿貌殊麗賊強欲侵之劉抗拒刃刺其腹同俘者

見其屍仆地猶手執裙襠賊感動為之具棺殮須恭是日亦被害於他所

方邵娘

莆田陳在良妻倭陷城與姑及夫出避賊賊擁至俱相失賊逼之邵娘罵賊投河死

溝頭地

入莆田將殺一男子嫗抱持云夫也奪而殺之嫗撫屍裹血哭移時亦被害

北門嫗

莆田人賊殺其姑抱哭同死

水關旁女

莆田人賊執之罵賊賊斫女子舌寸斬焉

後村婦人

莆田人容色甚盛不受賊污曰請受及賊戀之置之房乃自垢其面請死甚切賊不忍復

以火燬面披  
挾之賊舍之

釘壁女子

莆田人抗賊不屈賊釘其手足於鼇峯寺前壁間以死

槐樹女子

賊入莆境與父同執賊欲質其父取贖金女曰吾女流無能為也可放吾父賊出其父女

知父貧無所取  
金遂代父死

衣紅女子

莆田邱家女也容色麗都賊在西洲得之厲聲罵賊死

劉氏二女

莆田人被倭擄繫入知府林介祠中倭飲而酣遍視繫中得二女出之姊妹也姊十七八

有殊姿倭先取姊姊厲聲曰我名家女也肯污賊倭微笑命慰之曰若從我終當詢父母歸汝耳女曰父母未可知此時尚論歸耶罵益甚時黃昏賊乃縱火女即赴火死已復侵其妹妹大罵曰我姊為汝死我

豈肯為汝污耶賊見其色厲甚乃露刃脅之不為動  
曰死即死耳汝賊獨不死乎復自投於火賊恚甚連  
鎗刺其膚殺其被  
繫四五人以洩怒

鄭三娘

莆田人許婚庠生吳世勲其兄恥吳貧挾勢悔  
婚而納富人聘三娘縞素臨之曰吾有死而已

碎其聘登樓不食死御史聶豹按莆親  
往吊焉為築烈士墓撰碑文詔書旌表

翁氏

莆田人朱紀未婚妻紀亡女欲往弔守志奉姑  
父母不可女含哀不食越月父為卜婚自經死

鄭一娘

莆田人許配林嘉猷未婚夫  
卒一娘憂憤絕殮竟自經

康貞卿

莆田人父與林瑛友善以許其子九錫已行繫  
臂禮及貴抵家聞瑛繼妻不恤前人子遂潛取

宗人女并載宦游意欲為女代也女知之即不食私  
泣語宗人女曰吾誓必死宗人女亦歔歔泣下比至

駢舍病轉劇父母問之垂淚不能語遂絕越二日宗人女亦暴卒其夕林瑛髻髻見康氏二女來拜謁心驚訝數日果聞其事云

黃氏

名寶姬莆田陳端妻年十九夫死自經

林氏

莆田顧大名妻夫死為夫立嗣後遂自盡

何氏

名榮使莆田卓爾植未婚妻夫死請奔喪母不可女曰兒身已許卓郎今卓郎死兒何以生為乃奔

謁舅姑撫夫屍哭曰行矣吾當從若往是夜解襟帶自經顏色如生

莫氏

莆田吳鴻猷妻年十七夫歿氏慮姑老過慟夜私持草薦卧夫柩下晨夕上奠取夫書籍陳於前一

日回家辭父母歸即整衣悉以管鑰付姑閉戶自經於牀

張氏

莆田唐端位妻年十九喪夫母令改適張堅志不從母以疾召歸潛許鄭姓者張聞之自經死

林氏

莆田陳伯瑜妻夫歿守喪七日即自盡

薛氏

名金姐仙遊人嚴士貞未婚妻夫卒訃至女欲奔喪父母難之翼日自笄拜父母會宗族以奔喪告

送者涕泣女顏不少變入門衰經拜哭七日不食端坐經死

方氏

莆田人儀制郎中方瀾女瀾卒京師女年十四無他兄弟獨偕叔扶觀南歸渡揚子江中流舟覆女

呼舟人往救風濤洶怒人不敢往女仰天大哭遂赴水死經三日屍浮父觀之旁同泊南岸

貞烈

以上

未經立傳者附後



董氏林可妻黃氏方正妻鄭氏顧本妻林氏李安妻宋氏興化衛百

戶盧  
 雄妻楊氏  
 鄭一  
 清妻曾氏  
 李樟  
 妻林氏  
 周伯  
 讓妻林氏  
 唐堯  
 章妻吳氏

舉人方洪氏陳體從妻黃氏周洪德妻林氏許克溫妻柯氏舉人柳熙妻

方氏陳泉妻 柳氏陳甘露妻 黃氏林應棧妻 吳氏蔡應可妻 陳氏張從璧妻

陳氏張源泰妻 吳氏諸生陳宗夔妻 俞氏張珣妻 陳氏姚在正妻 黃氏周祐

妻林氏 俞應耿氏 尚書翁王氏 張氏 俱大理卿 鄭氏 星妻 世資妻 黃鞏妾

吳廷常氏 吳廷林氏 方于洪氏 郭潤廖氏 陳紹王氏  
淑妻 昭妻 道妻 夫妻 卿妻

李激 唐氏 黃貴 陳氏 劉環 未 蕭氏 諸生 鄭陳氏 林士  
甫妻 德妻 婚妻 世貴妻 直妻

陳氏

張儀度妻

吳氏

鄭從龍妻

黃氏

陳梅妻

方氏

趙希鄒妻

吳氏

方于養妻

林氏

諸生黃承志妻

黃氏

柯林妻

曾氏

周興邦妻

宋氏

周大能妻

陳氏

顧啓

宗林氏

朱光騰妻

林氏

許朝肅妻

黃氏

林獻策妻

張氏

邱茂濟妻

程氏

周道

本陳氏

卓大棉妻

陳氏

諸生凌文塾妻

洪氏

黃子隨妻

林氏

鄭汝湯妻

陳氏

陳氏

余永冲妻

朱氏

余永盛妻

林氏

陳守信妻

林氏

鄭大猷妻

林氏

沈會奇妻

林氏

舉人張春妻

黃氏

陳明德妻

宋氏

諸生郭文采妻

陳氏

諸生李約妻

周氏

徐東

華林氏

朱仕顯妻

謝氏

林標甫妻

吳氏

朱茂良妻

朱氏

余應瑞妻

龔氏

舉人

方鯤妻

卓氏

陳會妻

黃氏

諸生林仕養妻

陳氏

黃漢妻

沈氏

參議翁世用妻

妾

朱氏劉氏

俱布政使方良節妾

富氏黃氏

俱參議登高妾

陳氏

司獄曾泰

妾莫氏

吳芳矩妻

黃氏

何思澄妻

王氏

黃惟善妻

柳氏

林思益妻

周氏

諸生

陳朝卓氏

曾既綱妻

鄭氏

諸生林簡妾

金氏

陳宏慶妻

吳氏

林汝學妻

蔡氏

氏黃世林氏

吳子源妻領鄉薦官知州

王氏

諸生朱文妻

鄭氏

曾宗

平吳氏

舉人宋宜妻

林氏

張純昭妻

林氏

方詩妻領鄉薦官長史

周氏

胡繼垣妻

張氏

諸生陳仕瞻妻

方氏

梁績妻

祁氏

陳遜妻

陳氏

祈應科妻

林氏

氏藍景林氏

諸生李景昕妻

林氏

鄭璟妻

周氏

林成甫妻

羅氏

周景潛妻

陳氏

丁汝川妻

鄭氏

趙良厚妻

劉氏

游潛周妻

李氏

許師德妻

龔氏

林熹妻

許氏

鄭舜妻

李氏

陳漢妻

張氏

蔡賢妻

張氏

方孚受妻

邱氏

吳宗猷妻

蔡氏

鄭孟恭妻

俞氏

葉在穎妻

林氏

諸生宋夢奎妻

黃氏

陳道

妻

曾氏

諸生陳舉巖妻

林氏

一諸生吳桂妻

林氏

顧養達妻

林氏

戴宗仁妻

翁

氏

諸生陳紹妻

吳氏

諸生方湛繼室

林氏

俞康妻

鄭氏

葉九苞繼

室

吳氏

朱本實妻

鄭氏

舉人宋大挺妻

林氏

吳三重妻

方氏

黃希東妻

鄉薦官知州

吳氏

林仁伯妻

黃氏

諸生陳志舉妻

何氏

黃宏川妻

方氏

黃希東妻

陳氏

宋玉卿妻

林氏

大理卿林達女

陳氏

林夔一妻

陳氏

鄭善卿妻

林

氏

鄭孚可妻

黃氏

諸生柯礎妻

吳氏

朱景繼室

黃氏

郭鑒妻

林氏

知縣

陳文靜 陳氏 諸生鄭翁氏 朱君蕭氏 陳淳 林氏 鄭國  
繼室 遂期妻 直妻 妻 贊妻

葉氏 康子 鄭氏 李允 陳氏 林獻 陳氏 林廷 鄭氏 郭大  
瞻妻 時妻 表妻 燦妻 化妻

郭氏 周輔 趙氏 林崇 鄭氏 歐嘉 張氏 魯子 林氏 王弘  
邦妻 生妻 節妻 材妻 器妻

方氏 陳效 林氏 陳善 黃氏 吳如 黃氏 監生廖潘氏 王  
張妻 保妻 珪妻 奇進妻 夢

旂黃氏 諸生周宋氏 楊岐 林氏 方某 孫氏 諸生盧  
則裕妻 妻 婚妻 璋妻

林氏 諸生黃林氏 黃諧 陳氏 林文鵬 妻子 徐氏 郭文  
履萬妻 聲妻 之翰領鄉薦 光妾

方氏 林昂 鄭氏 太學生郭彭氏 參政彭文質 李氏 康  
霄妻 良棟妻 女林祖綬妻 志

緒周氏 黃鳴 陳氏 諸生林陳氏 諸生林葉氏 陳應 李  
妻 汀妻 民表妻 正茂妻 嵩妻

氏

諸生林懋曾妻與子啓宸妻  
蘇氏啓宸妾孫氏俱以節著  
林氏主事林萬言妻

林氏

俱林氏  
以節聞林氏  
妻子楚舉人次子廷榜進士  
方氏曾遇

陳氏

功妻  
以上俱莆田縣人

趙氏

黃堯賓妻  
林氏吳文周氏  
吳氏諸生戴黃氏  
嚴

訓妻

與媳林黃氏  
諸生吳鄭氏  
李揖王氏  
林翔陳氏

諸生

鄭張氏  
嚴元陳氏  
吳大張氏  
吳文陳氏  
楊行唐

氏

林邦戴氏  
陳德黃氏  
嚴王李氏  
王希黃氏  
林一吳

氏

李子朱氏  
鄭恒陳氏  
宋元鄭氏  
吳尚陳氏  
鄭桂蔡

氏陳景陳氏穆墀楊氏鄭還蔡氏傅沂吳氏鄭濯郭

氏舉人陳鼎妻 以上俱仙遊縣人

### 國朝

蔡氏

提督吳英妻英蚤年從戎海上值寇亂蔡流離顛沛中必負累代木主以行及英貴入籍於莆蔡甘

布素治家有則好施與為莆造南北洋橋梁几寺院道觀傾圯有修整者勉力應之丙子莆大饑英時在蜀蔡盡發貯粟三千石復捐金糴海米數千石散給饑民全活數萬課子應麟應龍應鳳應鵬俱登仕籍累封一品夫人

年六十四卒 名媛

戴氏

莆田康如鑑妻年二十寡守節五十餘年卒

黃氏

莆田林士前妻年十七嫁未閱月而寡矢志守節壽七十六卒

王氏

莆田諸生宋祖炯妻年十七嫁六閩月而寡守節四十餘年

林氏

莆田吳儼未婚妻年十六儼卒奔喪守志壽八十餘

鄭氏

莆田黃起佐妻年二十而寡孀守四十年竭力營葬舅姑與夫奉旨旌表

鄭氏

莆田儒士林兆質妻兆質歿鄭年二十三海寇登岸鄭恐見掠遂投井井涸不死荼藥自勵撫教遺

孤七十  
三卒

黃氏

莆田舉人黃起雄女諸生彭士炯妻年十四于歸甫四月而寡力負養姑撫遺腹子守節至六十六

旨旌表

歲卒奉



方氏

莆田貢生林簡妻博通經史年二十九而寡與妾鄭氏名鶯陽年十九焚焚相依食貧勵操方七十

六歲卒鄭四

十七歲卒

陳氏

莆田姚孕良妻年二十五夫卒守節事翁姑終始無玷

林氏

莆田諸生邱希旦妻姑病刲股和藥以進姑立愈翁消渴三年林衣不解帶湯藥皆頃刻應積勞身

殞族黨稱孝

林氏

名末哥莆田人父病刲股療之遂瘳二兄一時俱病復對天左右腕焚香二兄病亦尋愈

黃氏

莆田儒士陳喬伯妻喬伯早亡黃年二十二家無擔石操女紅易之營自啖糠覈而以稻梁奉姑終

養治喪皆如禮撫一男一女俱成立年九十卒

吳氏

莆田鄭而會妻夫遊學山左卒吳聞訃投繯姊姒救之婉勸以遺孤方幼無可托者乃強活家貧忍

饑寒勤紡績撫子成立年五十餘終

鄭氏

莆田人適吳全五蚤寡無子翁姑兄弟及諸姪相繼淪沒鄭獨居苦節二十餘年卒其妹適平海張

氏子年二十夫歿無子矢節奉姑亦與鄭同

黃氏

莆田儒士魏煜妻幼時母嬰危病焚肱禱籲立應年十六歸於煜翁病篤刲股調羹以進亦愈煜卒

黃年二十四家貧矢志撫孤成立年四十卒

張氏

莆田儒士李盛宗妻年二十九而寡事姑課子苦節七十餘年壽至百齡

林氏

莆田方寄治妻二十二歲夫卒遺二孤既而翁與二孤皆亡林筑筑苦節至七十一而終

曾氏

莆田楊朝綸妻蚤寡姑病刲股以療撫孤與姪家貧歲凶鬻已子而留姪及長為婚娶鄉隣義之壽

八十餘

王氏

莆田方世英妻三十而寡子六歲守志不二以紡績資生備極艱苦撫子成立年七十餘卒

張氏

莆田諸生林元亮妻蚤寡無子守志四十餘年卒

謝氏

莆田方富宇妻年二十七寡事舅姑孝謹撫一子將授室亦卒貞潔自矢茹素終身

黃氏

莆田許而燦妻年十八歸許甫踰月夫死有娠黃欲身殉祖姑防之密不得死及期生子遂忍死苦

守歷四十餘年卒

林氏

莆田舉人林鳴皋孫女鄭知貞妻年二十二而寡事舅姑曲盡婦道撫子成立卒年六十四

柯氏

莆田諸生朱元琰妻年二十而寡守節撫遺孤瑞霞入郡庠又蚤殞與一女金哥梵梵相依金哥年

十四事寡母甚孝母死自傷無依遂不食卒

謝氏

莆田方祖純妻年二十而寡守節事姑至六十一卒

葉氏

莆田諸生鄭震妻蚤寡遇寇欲殺其姑以自翼之哀求代死不得翁老病卧牀曲盡孝養年六十餘

終

陳氏

莆田翁登庸妻年二十二夫亡子方在抱勤女紅資養舅姑或諷改適即自經以救免苦節終其身

許氏

莆田鄭楚白妻年十八夫亡生子未兩月撫之長復歿撫其孫姑媳相依俱以壽終

鄭氏

莆田陳聖來妻夫蚤死為夫立嗣矢志以終

黃氏

莆田林鼎黼妻孀居四十載力貧養舅姑順治丁酉寇變舅遭難吮血收殮之

黃氏

莆田高日章妻年二十五夫亡事姑孝敬撫子成立矢節至七十三卒

方氏

莆田人知縣方浯孫女贈州同林向升妻年二十夫卒立夫姪楨為嗣後以楨貴封安人壽八十

卒三

林氏

莆田李兆祥妻年二十五寡勤女紅以資生銖積寸累營葬三世停柩壽七十餘

黃氏

莆田邱陽仲未婚妻夫歿守節終身

林氏

莆田歐元未婚妻元死林奔喪守節事姑盡孝至十三載卒

曾氏

莆田陳泰廷妻年二十七夫歿家貧女紅自給營翁姑及夫葬事卒年五十七

楊氏

名吉治莆田郭尾未婚妻尾死於虎楊夜夢一童子郭姓者來見自是誓不適人依父兄而居隣有

欲娶之者力拒不從年四十餘將卒遺命與尾合葬焉

柯氏

莆田叅議柯士芳女諸生宋洪乾妻順治戊子洪乾為賊所殺柯年二十生男逾月矢志孀守三十

餘年祀節孝祠

游氏

莆田員外游叔驛女適葉綦英二載而寡守節三十餘年

林氏

莆田方天麟妻年二十二寡守節五十三年

朱氏

莆田林信妻年十九寡撫遺腹孤食貧孀守苦節四十餘年

游氏

莆田員外游叔驛孫女林志揚妻未婚時夫得廢疾願退婚游誓死不允比適林扶夫寢食二十載

夫歿撫教嗣子迄於成立年六十  
八終雍正五年旌表入節孝祠

戴氏

莆田舉人戴嘉祉女諸生林佳棟妻事姑盡孝順  
治戊子寇亂扶姑鼠山谷克免於難甲寅耿變佳

棟憂憤卒時長子麟煬官京師音問阻隔戴艱貞苦  
節人稱為女中丈夫麟煬歷登仕途每訓以服官勤

慎毋負家聲 覃恩

封孺人卒年六十六

姚氏

莆田儒士黃光表妻光表以崇禎庚午文場不遇  
投水死姚年二十四事姑至孝苦節四十載立嗣

子藜領康熙

庚午鄉薦

葉氏

莆田人知府葉天陞女舉人周圻妻年二十六  
而寡撫孤成立為夫及翁營葬至九十一歲卒

王氏

莆田人戶部主事林鳴璫繼室  
年十八寡守節至九十五歲終

游氏

莆田人按察使游雲鴻女庠生林顯祚妻年二十而寡誓志事姑撫子後子嘉楠領已酉鄉薦知

阜城縣

贈孺

人卒年七十

林氏

莆田諸生朱驄妻蚤歲驄病繫腕焚香乞以身代驄歿撫子元春教督成立卒年七十二封孺人

魯氏

浙江常山人父元璘臨桂訓導莆田舉人許宗洙在粵聘為繼室生兒六月宗洙卒於粵魯年方十

九在父署聞訃辭父同老僕扶柩歸莆事姑撫子備歷艱苦卒年七十三

黃氏

莆田陳偉妻年二十四而寡矢志撫三歲孤孀居至八十一歲歿

歐氏

莆田人知縣歐志學孫女諸生吳元吉妻年二十而寡守節至八十四卒

林氏

莆田鄭天柱妻年二十八而寡勤女紅以供朝夕事翁撫子孀居五十餘年



喻氏

莆田諸生朱符妻符被寇害氏年二十五守志撫子成立至六十一歲卒

陳氏

莆田馬徵珥妻年二十夫亡勤苦奉姑足不踰閭至七十八卒

鄭氏

莆田陳起祚妻年二十二而寡孝事翁姑翁病虔禱立愈撫子成立年六十二卒

余氏

莆田人知縣余颺女庠生宋孕琰妻孕琰為巡按誣陷死余年十九守節撫孤至六十八歲卒

俞氏

莆田布政俞維宇孫女吳向宸妻向宸隨父之官歿於粵俞年二十守節至三十載卒

彭氏

莆田諸生謝天駒妻年二十寡守志奉姑嗣子兆甲早夭媳林氏同姑勵操俱以節終

周氏

莆田人遊擊周承女年十七許配鄭福福於康熙癸亥從攻澎湖墮海死女奔夫家守節事姑以女

紅供甘旨二十年如一日

李氏

莆田陳鎬妻年二十四鎬卒李甘貧守節撫孤壽至九十

唐氏

莆田李宜春妻年二十而寡孀守至八十餘歲

林氏

莆田狀元林環元孫女諸生龔夔妻年十九寡矢志守節壽八十五

吳氏

莆田李廷柱妻年十八寡為夫立嗣翁擄於海寇吳葉產贖還姑病篤割股以進既而嗣子復歿與

婦許氏同撫孤孫人稱雙節吳年八十餘卒

李氏

莆田御史林銘几妾年二十孀居無子有豪帥挾威逼娶李持刀誓死不從冰心苦操始終弗渝壽

八十有五

翁氏

莆田諸生彭汝弼妾年二十三而寡遺孤焜甫十月值莆歲饑外家欲奪其志誓死不從力貧苦守

撫子成立  
壽八十

姚氏 莆田曾一儀妻年二十四夫卒事翁姑至孝生子超方彌月苦節教育壽七十餘卒子超領康熙丙

子鄉薦

吳氏 莆田陳公表妻蚤寡勵操撫孤以終

黃氏 莆田程御侯妻年二十夫歿茹荼撫子始終一節壽八十五

蔡氏 莆田儒士陳子永妻年二十而寡家貧孝事翁姑撫養孤子底於成立年六十餘

林氏 莆田諸生陳解人妻二十七而寡守節撫孤事翁姑以孝聞歷節四十年

許氏 莆田黃存肅妻年十九夫死孀姑衰老腹有遺孕紡紆奉甘旨撫遺孤孀居四十餘載

林氏

莆田黃士玟妻年二十二而寡力貧守志為夫立後苦節五十餘年終

林氏

莆田人知府林兆珂孫女諸生鄭篁妻年二十六夫亡舅姑繼歿經營卜兆撫子成立勵操五十年

林氏

莆田諸生許國球妻蚤寡力貧守節壽至七十

朱氏

莆田林廣卿妻夫病刲股以療及歿氏年二十九立嗣撫教翁耄年紡績供養曲盡孝道卒年七十

許氏

莆田鄭漢徵妻年二十夫亡孤甫七月許絕粒欲殉翁以有孤止之遂忍死孝事翁姑翁姑歿孤亦

天與媳同撫幼孫苦節四十餘載康熙五十一年旌表

李氏

莆田儒士鄭璉妻璉卒李年二十二誓志撫孤孀守三十六載康熙五十八年旌表子黃燦領康

熙乙酉鄉薦任江南興化知縣

詹氏

莆田周肇右妻年二十一夫亡無子孝養翁姑至八十餘卒康熙五十九年旌表

陳氏

仙遊監生林榮署妻年十七于歸逾兩載夫死欲以身殉絕粒十日翁姑以雙老無依諭之遂忍死

奉侍孝養無間翁病篤刲股得痊姑病目陳以舌舐之目復明歷節三十年雍正四年旌表入節孝祠

余氏

仙遊諸生范奇煥妻年二十八而寡為夫立後撫教成立歷節三十年雍正四年旌表入節孝祠

王氏

仙遊監生陳詔妻年二十六而寡奉侍老姑姑歿拮据營葬撫遺腹子至於成立歷節二十六年雍正四年旌

表入節孝祠

王氏

仙遊舉人王鳳九女年十七適何大年三載而寡王哀毀欲殉念翁姑老有娠九月乃强活後一產

兩男遂撫遺子俱底有成翁姑繼歿喪葬如禮至五十二歲卒雍正四年旌表入節孝祠

陳氏

仙遊儒士林炳甲妻年二十二而寡奉翁姑撫嗣子孀守三十餘年雍正五年旌表入節孝祠

吳氏

仙遊儒士謝維夏妻年二十夫死無子吳為夫立後孝養翁姑孀居三十餘年雍正五年旌表入

節孝祠

林氏

莆田儒士黃達可妻年二十二寡奉翁姑撫二子力貧紡績苦節四十一年雍正五年旌表入節

孝祠

宋氏

莆田儒士張憲仲妻年十九夫亡矢志養姑撫子後姑歿而子又夭與媳共守苦節四十一年雍正

五年旌表入節孝祠

郭氏

莆田儒士連協仲妻夫歿絕粒數日既而思姑老子幼乃忍死矢節事繼姑庶姑曲盡婦道撫孤長

復殤媳戴氏未婚奔喪守節姑媳相依情切母子  
郭孀居二十五載卒雍正五年旌表入節孝祠

陳氏

莆田諸生余鳴環妻年二十五寡遭耿變棄子扶  
姑走洞巖避難寇追之忽頑雲苦霧遮其前路寇

乃還兒亦獲免守節四十六年

雍正五年旌表入節孝祠

林氏

莆田黃士旦妻夫死林年二十一孤方在抱孝事  
翁姑喪葬盡禮孤殤屢自經家人救解乃立姪為

嗣撫課成立年七十七雍

正五年旌表入節孝祠

林氏

莆田儒士程翔妻年二十五夫亡家貧親老子幼  
林守志不二後翁授泉州郡教授卒於學舍林偕男

旬畝三百里扶櫬而歸未幾姑又卒竭力殯殮又為

翁姑與夫營葬備歷苦辛年六十五卒雍正五年

旌表入

節孝祠

林氏

莆田諸生黃道儼妻性敏慧通孝經列女傳事父母翁姑俱以孝聞年二十八寡矢節力貧營翁姑

父母及夫葬事撫男女成立婚嫁女紅外未嘗釋卷族中及隣人女俱以傳母事之卒年六十六雍正五

年

旌表

入節孝祠

鄭氏

莆田儒士劉憲籌妻年二十九而寡守節撫孤姑病割股以療歲饑煮粥活餓者焚夫生前所遺借

券卒年六十七雍正五年旌表入節孝祠

黃氏

莆田監生林茂南妻二十三歲夫死絕粒旬餘不死及卒哭又自經以救免自是矢志撫孤姑病割

股以療施粥賑饑惠及鄰里卒年七十餘歲雍正六年旌表入節孝祠

林氏

莆田諸生蕭元瑞妻年二十八夫歿守志撫孤紡績為翁姑與夫營葬告節三十一年雍正六年



旌表入  
節孝祠

陳氏

莆田儒士林韓仲妻韓仲與弟相繼歿陳年二十  
七力貧以奉翁姑撫幼子與妯娌相依守志六十

二年卒雍正六年

旌表入節孝祠

林氏

莆田儒士程超逸妻年二十二夫亡絕粒七日死  
而復甦或諷其他適輒以死誓丙子莆荒購粟養

姑自以桑皮松實充饑苦守三十  
年雍正六年旌表入節孝祠

林氏

莆田儒士邱信妻年二十適信逾年而寡矢  
志四十二年雍正六年旌表入節孝祠

吳氏

莆田儒士林穎仲妻年二十四而寡夫兄韓仲先  
卒吳與妯娌共矢志事姑年四十二卒雍正六年

旌表入  
節孝祠

林氏

仙遊監生陳玉階妻年二十五而寡奉姑撫子力貧紡績四十二年雍正六年旌表入節孝祠

林氏

仙遊鄭國聘妻年二十八而寡姑老子幼矢節相依姑歿典鬻衣被殯殮盡禮雍正六年旌表入

節孝

祠

陳氏

莆田儒士翁啓隆妻年二十四夫亡哀毀絕粒屢欲自經戚屬勸以存孤乃忍死守志始終弗渝年

七十四雍正七年入節孝祠

范氏

仙遊監生劉濬妻年二十八寡力貧守志奉姑撫子歷節二十五載雍正八年旌表入節孝祠

張氏

仙遊儒士鄭鎬妻年二十五夫歿事翁姑盡孝及歿竭力營葬撫幼子至於有成卒年七十有三雍正

正八年旌表入節孝祠

顧氏 莆田諸生林時慶妻二十三而寡守節撫孤繼姑  
瘋病卧牀三十年扶侍湯藥不懈孀居五十餘載

雍正八年旌  
表入節孝祠

程氏 莆田儒士林廷璧妻年二十一夫亡甲戌莆大疫  
程與翁姑俱病猶奉侍不倦丙子莆荒竭力購粟

養翁姑自啖野菜一日失火程室獨弗燬  
年五十九雍正八年旌表入節孝祠

秦氏 莆田遊擊陳維屏繼妻維屏任寧夏遊擊從征噶  
爾旦陣亡秦年方十九聞報投河家人救之復念

遺雛八月矢志撫孤從萬里扶櫬  
歸莆課子成立守節歷三十餘載

林氏 莆田康拭妻夫歿  
守節至五十五歲

連氏 仙遊儒士劉鳴皋妻年十七適劉而寡奉  
養翁嫜忍饑寒以鞠孤子至四十餘年卒

林氏

莆田黃几妻耿逆變亂與夫匿深山夫餓死氏哀毀骨立喪葬盡禮孝養耄姑姑歿泣血治喪扶翁

柩合葬事庶姑撫夫幼弟及遺孤俱

列膠庠卒年六十有二祀節孝祠

廖氏

莆田黃大城妻年十八于歸未二載而寡事姑孝撫孤有成守節四十年卒祀節孝祠

劉氏

莆田黃士燦妻年二十二夫歿事翁姑孝訓孤有成嘗捐金置圭田捨地建祠撫猶子為擇配卒年

六十五祀節孝祠

顧氏

莆田黃崇妻崇疾氏刲股和糜進之不効氏年十八無子為夫立嗣卜葬憂勞成疾卒祀節孝祠

王氏

莆田陳日華妻年二十七夫死子幼家徒四壁屢遭饑饉氏辛勤紡績鞠子成立葬翁姑與夫三柩

卒年六十一祀節孝祠

林氏

莆田方元瑀妻年十九夫歿事翁姑克盡婦道撫孤成立後經營邱墓為衆所稱孀居三十七年祀

節孝祠

程氏

莆田俞輔妻年十八夫亡守節卒年五十三祀節孝祠

宋氏

莆田陳廷柱妻年二十三夫亡事翁姑盡孝撫孤成立持儉居貧捐租助祭卒年六十七祀節孝祠

林氏

莆田翁章士妻章士亡氏矢志守節孝事孀姑以紡績貲營葬衆尤難之祀節孝祠

黃氏

莆田林宸弼妻夫亡守節姑病焚臂以禱姑愈和丸撫孤卒年五十八祀節孝祠

黃氏

莆田林耀國妻年十五歸林八月而林死矢志撫遺腹孤孀姑病籲天願代歷節三十餘年祀節孝

祠

陳氏莆田鄭振祚妻年十八于歸未一年夫死翁姑以痛子邁病氏焚香告天求以身代獲愈勤奉甘旨

喪葬莫不盡禮孀居四十四載祀節孝祠

張氏莆田儒士宋爾易妻年二十夫卒事翁姑孝撫遺腹子成立歷節三十四年雍正十年旌表入節

孝祠

林氏莆田儒士黃子萬妻年二十二夫卒氏為夫立後每春秋祭奠獨飲泣不出聲恐傷舅姑心也至四

十一歲完節以終雍正十年旌表入節孝祠

謝氏莆田方爾豐妻年二十夫亡守節孝事七旬翁姑撫養二歲孤子翁姑既歿喪葬盡禮孀居四十一

載雍正十年旌表入節孝祠

程氏

莆田太學生林一沂妻夫歿氏年二十六依夫柩泣血三年乃鬻嫁時衣飾為夫營葬毀容垢面撫

子莊年成立現年五十三雍  
正十年旌表入節孝祠

程氏

莆田人儒士柯錫衮妻年二十七夫歿二白在堂三孤俱幼氏豐於養而勤於教苦節二十七年雍

正十年旌  
表入節孝祠

顧氏

莆田吳轍妾年二十而寡栢舟自矢始終不渝祀節孝祠

俞氏

莆田陳麟未婚妻年十六夫歿縞素奔喪孝養翁姑撫育嗣子至五十一歲卒

朱氏

莆田黃禹端妻年二十二夫歿事翁姑孝為夫立嗣娶婦而嗣又夭與寡媳撫課三孫至七十一歲

卒

游氏

莆田儒士黃道滂妻年二十七夫歿撫二孤成立長子海食餼郡庠苦節四十餘載

游氏

莆田儒士黃元孚妻翁病刲腕愈之年二十四而寡力貧撫孤至七十六歲卒

林氏

莆田儒士黃炳吉妻年二十四夫卒誓志撫孤苦節四十五載

黃氏

莆田儒士劉徽伯妻年二十三而寡無子為夫立嗣歷節二十六年嘔血死

蘇氏

莆田儒士朱天瑞妻生子三月而寡年二十五力貧守節至五十四歲卒

宋氏

莆田儒士陳六御妻年二十八而寡守節至五十七卒

戴氏

莆田方端衡妻年二十而寡歷節四十年雍正十一年旌表入節孝祠

陳氏

仙遊儒士朱純人妻青年苦守至老完貞雍正十三年旌表入節孝祠

以上節孝



高氏

莆田吳洪妻年二十洪病焚腕以禱洪歿剪髮納柩中自經死

戴氏

莆田太學生蔡貞啓妻貞啓自浙扶父櫬歸尋卒戴年二十無子越數日晨起沐浴素服與族戚訣

遂閉戶自盡  
奉旨旌表

林氏

莆田吳吉妻年二十二而寡絕粒不食登堂拜辭舅姑及諸親戚吞金死

林氏

名玖哥莆田洪泰坊未婚妻泰坊父陷於賊憂憤卒女年十四聞訃欲奔喪不得父議更配女曰吾

義不許二姓  
遂自經死

李氏

名城哥莆田關文老未婚妻文老家貧行商長沙尋卒女年二十一聞訃絕食辭父母奔夫家謂姑

畢沐浴更衣自盡  
奉旨旌表

陳氏

名義娘莆田鄭雪未婚妻雪漁人也沒於海女聞訃奔其門拜謁舅姑哭祭江潯歸而自縊

黃氏

名來姐莆田朱點未婚妻點卒女聞訃欲殉姑阻之及卒哭日遍辭家人自縊而死

黃氏

名質莆田歐潛未婚妻潛卒女聞鳴咽告父曰兒欲覲舅姑可乎父許之舅姑至即出聘時儀物及

私簪珥授之曰願蚤卜葬必同穴也

劉氏

莆田陳三郎未婚妻夫卒女聞自經以救免父母欲令改適又自經復救免不食三日死

林氏

莆田林國鼎女甫笄賊至欲逼之佯許之行數里井出道旁投入死

林氏

莆田人知縣林芸蓀女陳開妻事舅姑孝順治時海寇亂被執不辱乘間投崖死

王氏

莆田朱大雲妻順治時避海寇難甫出門一寇突至欲辱之即投水死

陳氏

莆田吳公拔妻蚤寡順治時海寇至姑被擒陳挺身救姑得脫寇欲逼之不從引頸受刃死

鄒氏

莆田張誨妻夫卒鄒年十八號哭欲絕未幾葬夫畢投水死

林氏

莆田江中信妻中信沒於海林服喪畢赴海死

鄭氏

莆田林宣伯妻夫亡哭盡哀葬姑畢即與族戚訣自經死

彭氏

莆田陳叔華妻夫死七日自經以殉

方氏

名雨娘莆田方登鑒女家貧事舅姑孝舅周姓為縣掾及卒官逼夫續役會兵興夫避去姑在獄方

泣求請代不從即欲自裁捕者索賄無所得詈之方懷孕投井死官廉得其狀出姑獄夫得免

陳氏

莆田邱晉仲妻年十七夫歿投縲以救解卒閉戶自縊死

林氏

莆田鄭聖儀妻年二十夫卒女又死一日歸寧父母議別適林即奔歸與姑泣別不食死

周氏

名雲香莆田王氏婢也年二十二嫁夫林興值姑病雲香割股夫病復然未幾姑與夫俱歿拜辭主

母自縊死

吳氏

仙遊儒士葉如梅妻年二十三寡二子俱幼舅病割股愈之至順治十二年縣城

陷吳年已耄猶引決自縊死

陳氏

仙遊何琮妻琮病陳割股焚臂及卒年二十六號慟欲絕期以七日殉至期拜別族戚扼吭死

鄭氏

仙遊諸生羅子珣妻年二十七夫死無嗣誓必死及旬素服辭舅姑別妯娌從容自經

鄭氏

仙遊林志妻年二十二夫亡鄭訂期示必死至期端坐自經

阮氏

仙遊郭子爵妻家貧阮紡績佐夫養母夫死奉姑撫子如夫在日順治十二年賊陷城不辱而死

鄭氏

仙遊吳仲舉妻仲舉久病不痊每對鄭嘆曰願早逝無負爾鄭泣曰是何言哉倘不測願負從及卒

遂自經

林氏

仙遊鄭貢甫妻蚤寡與嗣子彥晉妻郭氏同孀居順治乙未寇亂姑婦避難山寨寨破被執姑婦俱

投水死

鄭氏

仙遊李仲居妻仲居為賊所殺鄭聞即自沉於水

劉氏

仙遊諸生林萬泓妻夫死男女俱幼劉守志撫育順治乙未寇亂携二女奔堡遇寇被執不辱遂同

遇害

曾氏 仙遊鄭國翰妻順治乙未冠陷城曾携幼男避難  
山寨路被執曾厲聲曰吾儒家婦豈肯受辱母子

俱被殺

林氏 仙遊人教授陳龍光妻順  
治乙未冠陷城遂投井死

鄭氏 仙遊李瑄妻順治  
乙未城陷自刎

陳氏 仙遊蘇元遠妻夫死姑老孀居克盡  
婦道順治乙未冠陷城遂投井死

張氏 仙遊黃仲甫妻同夫避難邑中順  
治乙未冠亂夫婦被獲罵賊死

陳氏 仙遊林茂烈妻姑病篤刲股愈之順治乙未  
冠亂被執不從刼之以刃神色不動遂受害

鄭氏 莆田楊展驥妻順治戊子冠變鄭携幼女扶姑避  
難為賊所掠恐傷其姑強行數武抱女偕沒於淖

趙氏

以名閨使莆田吳誠未婚妻母病嘗割股以療順治戊子寇至懼為所侵自經死

湯氏

名庚使莆田湯樂春女年十八許配謝氏子未行順治丁亥兵至海雲庚使即率婢宮花投井死其

繼嫂周氏之

程氏

莆田陳鉉美妻幼事寡母以孝稱長適陳事姑如母未舉子為夫置妾生子壩撫若已出順治時海

寇亂夫被俘程泣語家人曰與其貪生以受辱毋寧就死以解禍遂投繯賊驚嘆釋其夫歸

林氏

莆田御史林銘几女張衷燦妻順治丁酉海寇掠婦女林罵賊不辱被殺長子垣奔救亦墜坑折足

而亡

張氏

莆田余偉妻順治丁酉為海寇所掠不從被創赴井死姑吳氏與一女繼之

林氏

莆田王廣質妻順治庚子海寇登岸掠婦女林罵賊不辱遂遇害

陳氏

名彩玉莆田諸生昌言妻言死陳經理喪具畢從容辭姑及姨娣作絕命詩飲藥死詩曰結髮為君

婦十年琴瑟調秋風隨蝶化誓與子同凋針刺易書卷翼君名業新君既中途殞何惜此一自絕粒求速死衆口與我違姑姨苦相勸留我欲何為或言俟卜葬此事不須時同室宜同穴山移志不移俯仰惟長嘆捨身死若生魂既與君俱心同蘭水清

張氏

莆田林翼生妻翼生病劇自度不起謂張曰汝年少無子能久留乎張啞一指示翼生誓與俱死翼

生卒張遂吞金而亡時年方十八

顧氏

莆田林振光妻年二十寡矢志不改父母隣其少命刺紅繡鞋遣其嫂微示之意顧遂置鞋流淚絕



粒十四  
日卒

蔡氏

莆田黃彥彬妻彥彬患瘰年餘臭穢達於戶外蔡盟拭無厭倦及死遂自縊殉之於

李氏

莆田陳士欽妻夫病封股焚臂祝天請代不效遂絕粒九日弗死吞金又弗死乃投繯而逝

林氏

名瓊莆田陳琦妻未婚妻琦貧瓊之祖欲收配瓊不從琦忽病殞瓊遂奔喪至琦家七日吞金死

曾氏

名道娘莆田人許配侯寧將婚寧死女欲奔喪父母弗許姑亦以貧故力辭女誓與俱死以明年寧

亡之月日殉之自紡績為殮具及期往寧家拜宗祔及夫與姑遂入室自經年十八

張氏

莆田黃能詰妻年二十二寡矢志為夫終喪嘔血而亡

李氏

名捷舍莆田人父俊為桐廬縣丞與宋學颺指腹為姻學颺舉男名冀上後因遠徙十載不相聞父

擬他配女不從迨還成婚生子四歲而殤夫繼亡泣  
欲死姑曰汝死吾誰望乃佯應曰當俟叔娶婦奉事  
是夕遂  
自經卒

陳氏

莆田諸生蕭傑妻夫病剖肝不效幼子繼殤遂自縊  
明年又病復剖肝不效幼子繼殤遂自縊

范氏

金華人年十四嫁莆田姚氏未幾夫卒范不食  
七日姑勸之畧飲水延至十四日自縊而亡

鄭氏

莆田諸生林振先妻蚤寡避賊松嶺下  
遇賊欲污之罵不絕口賊支解其體

鄭氏

莆田方塘妻康熙甲寅寇亂山民閉寨自守塘  
病死寇攻寨急鄭恐受辱自經死年二十一

黃氏

名敬姐莆田王天麟未婚妻天麟客死敬姐屏簪  
珥服縞素欲以死殉家人防之密後寢疎乃於夫

亡日投  
縊而逝

趙氏

莆田林文恢未婚妻文恢死趙聞訃奔喪次年父母議別配遂自縊

鄭氏

名惜使莆田曾申未婚妻申浮海舟沒屍歸遂奔喪從死

徐氏

名阿美莆田林子容妻夫死越數月自縊以殉

王氏

莆田姚兆符妻年二十夫亡哭至嘔血既百日拜辭舅姑父母投繯而逝

林氏

名涵姐莆田曾科未婚妻科歿於海涵姐奔喪夫家服闋請於父母從容乘舟投海死士女環岸而

觀

吳氏

莆田潘仁師妻年十七歸潘三月夫死服闋父母欲嫁之乃入寢室自盡

孔氏

莆田何孟高妻嫁未幾夫卒遂自殺以從

陳氏

莆田林元揆妻年二十寡女紅自給為夫營葬後閉戶自經死

林氏

莆田李鍾英妻鍾英少病風痺父願退婚林不可未幾父母俱歿母之兄弟陰許他姓林覘知夜赴

李門拜翁姑及夫夫病如前林扶以出入既而夫死林大慟數日亦亡

陳氏

莆田黃士斐妻歸寧涵江值海寇登岸被執不辱斷五指胸傷數及遂遇害時年二十六祀節孝祠

陳氏

莆田吳志用妻夫亡守節撫遺孤世璉成立未幾世璉歿氏與媳同時投繯死鄉人賦詩弔之祀節

孝祠

宋氏

莆田林普未婚妻普死氏聞訃奔喪哭泣逾期吞金不死復投繯以殉祀節孝祠

吳氏

莆田潘舜光妻年十八歸潘事太翁與翁姑曲盡孝道甫四載姑及夫病氏割股以療不效相繼亡

氏痛欲捐生家人防  
之密及期年吞金死

林氏

仙遊屠玉珊妻嫁三載夫病刲股焚臂  
竟不效遂絕粒不食越十日投繯而逝

以上貞

烈

福建通志卷五十五

欽定四庫全書

福建通志卷五十六

列女三

泉州府

宋

陳氏

晉江人封魏國太夫人龍圖閣直學士從易之女  
內翰蘇紳之妻而丞相頌母也從易守廣州有清

德為仁宗所知元豐間神宗問頌母誰氏頌以從易  
女對神宗曰天聖間學士耶從易紳頌皆守杭夫  
人三至杭邸題邸柱云吾少從父至此中與吾夫偕  
來今同吾兒凡三閱江山之勝蘇文忠輓詞難鳴為

善日日新八十三年如一晨豈惟  
家室宜壽母實為朝廷生異人

謝希孟

晉江人伯景妹陳安國妻也伯景母通經子女  
皆自教希孟與兄並工詩賦所著詩百餘篇歐

陽文忠稱其隱約深厚守禮  
不放有古幽閒淑女之風

曾氏

晉江曾會女魯公公亮妹也嫁侯官御史王平生  
子五人回向固同問皆有學行回為有道儒宗向

問尤有文三人皆身在隱約而聲震天下氏就其子  
祿養京師而魯公方當國然處里舍彌約其後回向  
固同皆早世人謂不堪氏能自廣以理未嘗亂其  
志教養其子孫至男有立女有歸後封金華縣君

趙氏

晉江人徽猷閣待制傅察妻趙清獻女也宣和七  
年察以吏部員外郎遣接伴金使為金所殺及察

櫬還携子自得自修避地於泉葬郡西之太平嶺因  
家焉郡守王十朋輓詞哀能變國俗貴不御鉛華學



佛窮三昧燃  
松教五車

明

謝氏

名瑞姿晉江莊信妻年十九生子甫三月而信卒伯氏賂媼用針刺其孤幸救得活嗟泣曰伯氏刺

孤利第產耳何有是  
出舍於外盡以讓之

葉氏

同安人洪濤妻侍郎朝選母也始入門舅氏已即世獨姑在姑有二女皆未行葉出簪珥衣服上姑

曰以此行長姑曰以此行次姑姑大喜朝選舉進士受封時諸貴人母相與酒食歡宴車服華煥婢女靚麗葉獨居鄉課諸婢僕耕織而已家事外語絕口娣姒間朝選推稅浙關三年滿借貸歸宜人曰善勸濤資助之後參政廣西頗用刑威宜人聞不善也謂杖人至十足矣何用重之

蔡氏

洪侍郎朝選妻其父大賈也朝選為諸生家庠狹淖泥滿庭蛛絲蟲繭網戶粘壁宜人安之遇客至

或餉田夫親與竈嫗厨婢均勞苦見洪家紡織心悅之晝夜從妯娌女姪學紡久之其紡縷可雜苧紗蚕絲織為衣布乃與坊郭中上家婦女衣布不二從官邸舍紡織啖菜食蠶而已嘉靖中避寇周氏妹之堡賊忽至堡下宜人指井與朝選訣曰堡若陷索婦於此矣

翁氏

晉江人御史慶女也慶奉勅巡鈔四川不避權貴又奉勅武當山獻真武眼珠賜一品服以行亡何

坐累下獄慶無子女詣闕上書請代仁孝皇后召入宮留之三月為宮中女師人以比緹縈

郭氏

晉江人諸生潘維城妻方伯洙母也父立彥為尚寶卿既歸城事舅孝謹事庶姑如其姑事夫之兄

弟無所不敬佐城讀書城未休不敢休城病氏已老尚侍榻寢累月少受女史無所不徹下至本草通

書亦經覽閱作詩示洙願子為官廉以德殊勝斑衣舞老萊咏牡丹詩人生名利等秋葉惟取丹心天地裁雖漆室憂國彤管歲家未之讓也少從父京邸當日朝政成敗一一能記憶老而為諸郎述之如歷觀焉

林姆恩

南安鄭陽時妻戶部郎中林性之女也少隨父官邸通小學諸書及古嘉言善行既歸陽時生

子維嶽則數進妾媵於陽時維嶽既就學時時佐之讀曰讀書非但欲曉其字句而已當觀古是何人能如此也當陽時兄弟析箸時不無相構姆恩慙慙為辭讓曰兒之佳惡豈在財哉至其生平不肯逋官府一稅錢曰食土之毛而闕其稅是皆有神明勾籍焉老而紡績不衰時舉敬姜之言為諸生誦之維嶽仕曲靖府

同知

以上名媛

宋

呂氏

名良子晉江人父疾篤良子焚香祝天求代時夜中有羣鴉遠屋飛噪仰視室中大星燦爛如月者

三翌日父瘳真德

秀表其居曰懿孝

呂氏

南安人張徽妻光祿卿璿之女徽早卒誓志不二賑饑棄債為德於鄉教子過登進士及卒端坐而

逝柯述許公穀為作賢母傳發運使胡師文狀於朝

楊氏

同安人父安國患血疾逾年不愈女取肝為粥以進父隨瘳

曾三娘

同安人年及笄流寇煽亂其父被虜三娘乘馬操戈率眾陷陳欲救其父見勢不敵遂自刎死

每夜如聞馬跡之聲鄉人感其孝烈築宮祀之

楊氏

晉江人廉州守楊友之女讀書通大義適蔡若訥年二十二而寡守節不嫁書乞為寒氷玉願作冷

秋菰二句於壁以自勵

傅氏

南安人徐伯嵩妻伯嵩登進士仕終邑令家貧親老三子皆幼傅奉舅姑治喪祭訓子成學國錄黃

以寧銘其墓曰婦也丈夫母也嚴父

黃氏

晉江人留洙妻年二十三而寡撫育子女訓以禮法子婦繼天黃又教孫有成立壽八十四

元

龔氏三女

次晉江人上猶尉安之女也長曰益適柯允中次曰源適行中書省理問張仁季曰婉適劉

允正俱早寡挈孤依父甘貧自力陳方山稱其姊妹三人同氣同心同節前世所希

方氏

名義南安人楊真祐妻生子光澤而次子光俊妾陳所生氏二十而寡與陳守志持家均桑鳩之愛

邑稱  
賢母

謝氏

晉江人陳思名妻夫歿氏矢不再適二男蚤夭惟一幼女玃玃相依始終不渝壽七十有六

明

朱氏

泉州衛指揮僉事張盛妻嫁一年而盛卒朱年十七遺腹六月既而生子昱家事益落乃抱子昱依

外祖母以居矢志不改  
昱長襲祖官事聞旌表

李氏

晉江人尤惠妻其姑虐甚李順其意得姑歡心惠早歿男女俱幼李經營家計矢志不二諸孤皆成

立年九十八  
終事聞詔旌

林氏

安溪人贈監察御史詹璉妻按察副使源之母夫歿時長子清在襁次子源在娠家貧子幼勤織紉

以撫藐孤事  
聞詔旌其門

蔡氏

南安人黃逸妻逸赴京道歿蔡年二十有五一子存實在抱獨處一室三十餘年不踰閭非正禮未

嘗登堂晝夜紡織以  
撫遺孤事聞詔旌之

李氏

名琬娘晉江人林梅妻年二十而寡僅一孤在抱或強其再適輒持刀欲自刎後無敢言者年五十

終八

莊氏

晉江人庠生梁黼妻二十五而寡撫遺孤懷仁慈而能教懷仁少年科第為名士莊壽八十餘嘉靖

中旌  
表

黃氏

莆田人晉江潘遜妻黃從遜戍鎮海逾年遜歿黃年二十二與姑吳氏携骸骨歸葬誓不再嫁嚙斷

一指以為信

年八十五卒

翁氏

晉江人適郭允朝六載而允朝卒宗戚諭使再醮氏嘆曰夫垂危托我老母言在耳也遂斷髮為誓

年七十  
五終

吳氏

名潔姿晉江人歸蔡茂思甫六月而寡吳哀痛幾絕鄉人爭求納聘堅却之舅姑不敢強孀居三十

六年  
卒

王氏

泉州衛千戶秦雄妻年二十一而寡生子傑始時或勸其改志輒號泣累日不食竟全其節壽八十

終



周氏襄陽人年十四適永寧衛百戶李蕃蕃從征苗蠻陣亡周號哭購屍以葬矢志弗渝課子至老卒年

十六

趙氏

名妙緣年二十適永寧衛丘琳琳卒一子榮尚在襁褓趙矢志不渝榮既長襲祖父官娶王氏生子

昇榮又卒王年少孀居辛苦以奉其姑人稱為丘氏雙節後皆以壽終

黃氏

晉江人適吳聰夫歿無子斷髮示不嫁父母欲奪其志黃號泣苦辭竟守節至七十二卒

陳氏

晉江人謝文瓚妻年二十四而寡撫遺孤又殤矢志立嗣以終嘉靖初旌表

林氏

晉江人夫洪庭振蚤卒林年方十九撫孤守節五十六年嘉靖間旌表

陳氏

南安人趙文妻年二十三而寡父母欲奪其志堅守不移教子成立壽八十二終嘉靖間旌表

蔡氏

晉江人韋元妻元卒蔡以死自誓舅姑繼歿殯葬如禮撫遺孤成立事母以孝聞嘉靖間旌表

鄭星女

同安人幼約婚曾氏曾為不善義當絕女終身不嫁化及一家兄弟三人不析居而星女為主

內政其兄宗貴者年三十餘喪偶感女弟之義亦不再娶

林氏

同安人歸於王蕩子也林婉事無忤養姑盡孝一日王淫某氏女女父猾胥獲之將殺焉王百方求

免不許曰吾女汚矣誰歸者必棄若婦而納吾女乃可王曰幸甚胥恚王誣婦姦詣官判離婦猝被逐歸父家不嫁私遺姑餉其後胥女生二子矣夫商於外為盜所殺胥女旋棄去婦聞涕泣迎屍朝夕饋奠而養其二子

林氏

同安人劉琛妻年二十二而寡治夫瑩穿二壙焉夫兄弟欲林改節盡奪其產以搖之林携女慟哭

剪髮自誓鄉人義焉責其夫兄弟而勸復其產事聞旌表

王氏

泉州衛千戶舍人張淮妻夫亡時年二十孀守四十七年撫遺腹孤克椿襲父官嘉靖間旌表

童氏

晉江人贈吏部主事劉萬妻萬歿家貧竭力奉姑遺腹生子因命之曰大遺撫教之舉進士嘉靖間

旌表

留氏

晉江人舉人黃喬植妻喬植未有子置媵莊氏生子琰甫四歲而喬植卒留莊各年二十餘矢志並

守四十餘年

琰成進士

周氏

名琬姿南安人吳欽遜妻夫亡遺孤方在携父母欲奪其志周曰吾不知書而知從一之義卒固守

不嫁

郭氏

惠安人陳文妻年二十二而寡父母欲使再適郭涕泣不從孝事其姑始終不衰竟以節終

林氏

晉江人阮天從妻生男智宗三歲而天從歿家貧甚無他親勤苦以撫幼兒養老姑年八十八終

梁氏

晉江人蔡寬妻嫁十載生子祐三歲而寬卒姑諷之重行欲就繼以自明孝養撫孤後祐領鄉薦

莊氏

南安人適黃欽祥夫歿蓬垢治女工撫二子長厥初天次厥仲娶陳生孫密未逾月復天姑婦抱一

月兒相嚮哭復相慰相依迨密長且有孫莊顧陳相喜也已而相泣俱以壽終

王氏

惠安人陳仲憲妻歸仲憲八年而寡子禧甫六歲姑柳在堂奉姑養子禧亦天撫孤孫疇至成立以

壽終

黃氏

名荷玉晉江人適柯璜未幾舅姑與夫相繼歿黃年二十三棄簪珥治葬具父憐其貧無子累欲奪

之荷玉曰兒即餓死終不衣  
食累父不跡父家者二十年

劉氏

晉江人適莊舉生子麟方二歲舉卒遺腹子鳳劉  
年二十服闋姑諭使再適劉曰吾莊家婦也嫁將

何之自是操節  
愈勵以壽終

吳氏

晉江人適蔣氏子二十而寡值倭亂城將陷吳督  
家丁拒之躬為炊爨倭引去曰吳貞婦勿犯也壽

九十  
八

余氏

浙江西安人歸南安洪慶慶為合州訓導未幾卒  
余年二十四邑值寇亂人將逃匿余獨抱二孤守

樞勤女工積其所業賣以營  
葬後二子皆成立以壽終

徐氏

晉江人適永寧衛百戶梁福未幾福以襲官卒於  
途徐年二十一即斷髮誓志孝養祖姑及歿殯葬

如禮孀居五十  
載始終一節

林氏

惠安人湖州府判莊政繼室也生一女政歿年二十撫前妻子有恩資送已女薄於前妻女人難

之

王門三節

李玉真者晉江庠生王桓妻而洪氏者玉真之媵也黃氏則桓曾孫庠生輔婦桓卒玉真

所生二子燦燿皆幼未幾燦復殤母家誦玉真改志玉真持刀自刎洪抱持之遂從玉真守節撫孤黃氏

年二十輔卒事姑教子一守李氏遺法一門三節婦俱萬曆二十二年旌表李洪本邑人黃則南安人也

葉氏

南安諸生傅廷雅妻嫁二年而夫故舅姑先亡遺夫弟妹四人皆幼葉守志撫育年六十餘卒萬曆

間旌表

張氏

惠安人洪昶妻萍鄉知縣綸之女年二十餘昶歿無子氏誓守獨居撫二庶弟成立閭以內井如也

權氏

夫泉州衛百戶鄧炳炳卒遺孤城甫三歲家徒四壁氏茹荼撫教城後歷官副總兵氏年七十餘卒

厥後炳孫銓婦俞氏夫歿亦守節不二又有林氏者炳曾孫溥之妻也蔡氏者炳曾孫華清之妻也俱於夫亡時絕粒身斃詔旌為節烈之門

蔡氏

晉江諸生謝暉繼妻暉故蔡無子撫前子繼宗成立繼宗又卒撫其遺孤年六十七終萬厯間旌表

楊氏

同安人台州通判蔡宗德妾宗德卒於京師楊投繯者再為嫡泣留因與嫡共撫嫡子成名年六十

一卒萬厯間旌表

李六娘

晉江人南安陳振翰妻年十九夫歿遺孕生男撫誨成立飲水茹藥至六十七卒萬厯間旌表

黃門三節

俱晉江人其一曰秦氏黃喬焜之妻也無子

焜歿三婦共守一子

權後領萬歷鄉薦

楊氏

晉江人適施梅齋數月而寡有遺孕族人欲席捲

其業逼脅改志楊自誓以殉族人乃揮神主擲地  
主皆起立復擲香爐覆地而灰不漏楊以懷娠告後  
果產子有婢黃氏年十四亦不嫁俱年八十餘終

黃門四節

安溪黃代妻林氏適代未子為置妾龔生子  
琮而代卒林年方二十有七及琮娶婦謝氏

生二子琮又卒謝遇賊被執死之林撫其二孫敦睦  
宗族捍衛外侮有丈夫風後其曾孫願孝者為邑庠

生亦早卒婦謝氏育其四歲男又值嘉靖兵荒之年  
拮据撫孤年八十餘元孫龍標娶許氏許見龍標瘠

弱亦為置妾林生子師曾標與林氏繼  
歿許又撫師曾有人稱黃門四節婦



林氏

晉江楊時春妻姑張氏患瘋疾不能屈伸凡起居皆林與時春扶抱授飧則林口飼之歷三十年不

衰

傅氏

南安人李溥麟妻夫亡無出撫其妻之三稚子以底成立生平無疾言遽色事事有條勤儉而家道

興

陳氏

南安蘇真定妻年十八而寡孤方週歲陳即冰蘖自矢襁褓不離非姑前不出一語斷葷茹素年九

十三

卒

杜義姑

晉江人蚤失父其弟華幼姑從母撫弟弟稍長姑許人矣杜之宗人利杜母寡子幼且有所覲

而姑為其母持家內外井然不假借杜宗人覲無所得誣謗之所許家為絕婚姑憤而不嫁久之弟華長

娶於王生子昂華復天姑與王矢貞相勵益為杜治  
田疇濬陂塘貽子孫世世利年七十餘卒杜之子孫  
舉葬之先墳傍  
與其先人並祀

莊氏陳思恭妻思恭海賈也娶氏生子寶四月去入海  
五年不還人曰思恭死矣誘莊嫁不許思恭歸悲  
喜交集久之竟入海死誘者曰真死矣可奈何莊曰  
寶在寶長請學士宋濂記思恭蓋嘗娶妻於浙中生  
一子貧寓外氏莊遺錢使  
營生且償思恭之夙逋焉

李義姑南安人父陷大辟姑攀訴竟不可脫時母兄先  
歿二弟一姪俱幼姑撫育之既成立里媼有來  
言可覓伉儷義姑笑曰吾已營邱壠  
矣年八十卒海上稱為貞孝義姑

洪氏晉江人楊伯昌妻嫁時伯昌有顛疾生男元愷五  
歲而伯昌歿洪忍死存孤及元愷成人娶婦陳氏

三載復以瘵歿遺腹產雙男洪與婦陳保養圖存  
未幾兩孫並殤陳亦自誓守志養姑人稱雙節

蔡氏

王徽謨妻居安平鎮娶七月出行賈歲餘卒蔡守節奉舅姑賊入里門王挈家避賊蔡扃戶號慟曰

幽嫠不踰閭寧死姑楊曰柰何以抱柱之行累吾一門強昇行賊退室火蔡還憑故寢不去舅姑憐而為

再構之孀居者五十餘年

周氏

南安人郡學生黃鐘聲妻夫亡周年二十七遺腹

眼翳昂象尚長為舐

翳復明年九十卒

尤氏

南安人廉州知府尤拔女適衛指揮僉事歐陽承

尤聞訃誓志不二孀守四十餘年事姑課子以壽終

王氏

南安人年十九歸洪沂甫週歲而夫歿遺腹一子守志訓孤足不踰閭卒年七十八

沈孫娘

晉江人幼許陳登選選歿沈佩登選聘釵居起不離年四十終

李氏

晉江人諸生曾世惠妻夫卒李年二十六子一誠甫六歲李欲以身殉念遺孤在矢志鞠之一誠舉

於鄉越二年卒于魁甫二歲一誠妻吳氏年二十七與李共撫而教之姑婦相依以終

周氏

惠安處士徐文燠妻夫歿周撫孤事舅織紵以給苦守五十三歲終

黃氏

晉江武舉秦鍾城妻黃龍女也龍任廣西都司鍾城同氏隨任舟中病篤黃年二十二引刀割股臧

算以延夫命鍾城愈相繼生二男迨十年而鍾城卒黃課二子成人及拮据葬舅姑年八十卒

吳氏

晉江人陳遜妻年十八生子春五月遜卒吳甘荼撫教之春婦許事吳盡孝後春子用賓仕至顯官

吳年八十三許年九十二並得封贈人謂天報節孝姑婦也

楊氏

晉江人蓋吳妻蚤寡撫育二孤世英世雄備極貧苦嘗患足瘡出野拾薪有蛇走從瘡處涼氣達心

膿血逆流移時足愈人謂節感世英兄弟事母並以孝著而世雄事兄亦復盡弟云

黃氏

南安人太學生陳元奎妻翁病黃與夫躬進湯劑剗臂和藥而舅愈

以上節孝

元

王氏

名珠娘年甫及笄盜掠其鄉珠娘被虜恐為所污乃紿賊曰我家有金寶盍同取之盜以為然至大

溪深處投溺而死

明

莊氏

名盡娘晉江人歸李氏子洪武元年夫以事詣京偕行至崑山夫病死氏寓書歸遺其親自溺而死

汪氏

晉江人楊希閔妻幼讀論語孝經列女傳悉曉大義于歸二年希閔卒無子氏年二十三自作哀辭

告祭曰吾不死不了吾事遂服毒死

許氏

名梅同安人適宋隱山之子夫得痼疾梅奉之恬然夫死不二父母憐其少逼使再適臨遣投海死

潮漲而屍不流

蔡氏

晉江人郡庠生林光妻成化壬寅光父死疫俗皆畏避不敢舉喪蔡相光治殮盡禮洎卒哭光亦卒

無子蔡悉出所藏殮光既殯自縊死年二十二

許氏

同安人諸生洪伯大妻伯大初乳不育即為置妾陳氏生二子育如已出伯大邁疾革度不起水漿

不入口數日伯大卒殯殮畢收其遺書付陳曰他日可示兒也潛入卧內自縊而死

張氏

高浦所千戶孫榮妻榮卒氏年二十四謀葬夫遂營二壙為同穴計乃自縊死

陳氏

名媚姜晉江人王國助妻生孩甫四月夫死一日從母往吊外祖家回舟江中猝遇賊氏度不免赴

水死越四日屍浮水上面色如生時年十七

林三娘

同安人年十六適邑士王湍六月湍歿翁姑與母憐而欲嫁之不可翁姑逼之歸林欲俟其母

徐奪之三年母密以許富室劉氏子三娘聞知乃故於忌日往王飲毒發嘔難咏其沫斃姑覺令歸母家三娘曰吾已為王氏鬼矣復焉歸撫膺大慟姑令婢嫗十餘人拽之歸而其母自是亦欲強奪之三娘謂母曰女今嫁矣膏沐笑語異於平日其母信之令媒告期於劉至日方設席待倩竊入卧內死事聞旌表

孫氏

晉江人蔡任妻夫死矢志靡他時年二十二撫孤

史氏

晉江人陳宗球妻宗球死史殉之有期矣尚攜袂

為日短故釀而奉姑將死告舅曰毋髣婦木事間旌表

李氏

名純香晉江林泗妻年十九泗贊其家甫五旬歸

省病劇報至純香傍徨終夜明日馳至夫家泗死矣伏屍哭不絕聲水漿不納者七日姑強之進少許卒哭昏梳沐縊死今子孫世祀忌前一日滿室異香旌表中

陳氏

晉江人朱焯妻年二十六而寡忍死以撫遺孤未幾孤又殤遂服毒而死嘉靖間旌表

吳氏

晉江人刑部員外郎何琚妻年二十二而寡無子卒哭之日為夫置嗣從容自縊嘉靖間旌表



吳二娘

同安人許字劉仲芝故計至父往弔吳泣謂母曰兒從幼締婚仲芝今其親老矣一朝不

淑往臨其殯無乃義乎母遂與偕至殯所觸地求死衆抱持乃免服喪卒哭後有顏某者令媒求婚吳誑

其母沐浴而自縊事聞旌表

莊氏

同安人進士李一陽妻嘉靖間一陽待次銓部以疾歸卒於途氏慟哭謂翁姑曰亡人游魂在外婦

當死以尋之念翁姑年暮二孤幼賴有叔在悉以歸之遂自經死

李氏

晉江人吳天錦妻天錦出行賈家故海濱寇作家人要李偕姑出避李以姑老謝不從獨閤戶相依

聞天錦死絕粒且殉俟其父母防稍懈入室雉經顏色如生

吳氏

同安諸生王式妻嘉靖間避倭大登塞中被執罵不絕口見道旁有泉遂投而死後人名其泉曰義

泉

張氏

晉江人徐渡妻嫁而渡病雖成婦猶處女也渡卒大祥張不食數日死

李氏

晉江人黃熙耀妻名子娘事舅姑孝熙耀客死矢必殉曰苟歸耀骸得同穴大願不則附先姑焉臨

盡戚屬哽咽李獨宴如對天頂禮者四投綬而逝

洪四娘

同安人蔡士訓妻嘉靖間避倭大嶺寨中為所擄驅之不行頓坐於地以瓦石擊賊厲聲哭罵

賊怒殺一婢以恐之不為動又殺其女及二稚子哭罵愈甚賊乃刺其胸膈而死賊退士訓殮之顏色如生

陳氏

南安諸生蘇希益妻嘉靖間為倭寇所俘乘間投水倭割之矛罵愈急遂與幼男俱死

黃愛玉

南安人林超南妻年二十三超南以赴省歿於途與屍至氏奔哭哀慟親為櫛殮時值倭警舉

家夜遁氏對柩泣曰寇來吾死柩前矣號慟達旦及卒哭遂自經

無名氏女

嘉靖間倭入安海大掠男女氏手牽一女背負一兒被獲賊迫之不從恐以刃亦不動也

賊怒將斬之引頸受刃罵不絕口

林氏

晉江人許字余汝麗汝麗為商於外舅姑預迎以歸夫死於商女自縊以殉嘉靖間旌表

康氏

同安人許字葉秀春秀春卒女告父母往臨其殯歸自經死嘉靖間旌表

陳氏

同安諸生呂潤妻年二十喪偶哀毀絕粒姑讓之曰汝欲以二喪累我耶乃就食及三年食不過再

面無開容母家有伺其意者曰室罄年少而又無子何所底耶氏拂衣起告姑曰生啓人伺不如死也夫

死於嘉靖壬辰十月二十四亦以是日更衣飲毒告夫靈曰生同君年死同君日家人驚灌解之越三日乃死

陳二娘

同安人周仕昂妻仕昂就婚十日歸隨卒氏年十八間訃奔喪自矢必殉陰搆鈎吞之隣婦

救得不死遂為夫營葬時值寇警氏與二侍女守柩不去既襄事夜投河復以救免後竟自縊而死

鄭氏

晉江人南灣總兵歐陽寨妻時遭倭亂氏誓不受辱倭抄掠婦女氏統婢出救陷賊中遂自毀面刺

頸罵賊而死

陳氏

晉江人王爵妻名妙姬年十七適爵爵歿不忍棄姑死也居一載姑為爵營壙陳請曰兩之姑曰豈

易言哉姬遂閉口不食翌日卒

汪氏

晉江人鄭聯桂妻聯桂客維陽溺於水  
訃至汪撫胸大慟投井死年二十二

柯氏

晉江人名梅適伍端端歿一子始晬閱月兒又殤  
柯歸寧與父母盡語返舍從容起居舅姑沐浴櫛

髮易服自縊  
時年二十三

趙氏

同安人黃士觀妻士觀客死詔安氏年二十絕  
水漿者七日值士觀誕辰氏從容自縊於房中

許氏

同安人林伯謙妻伯謙卒  
氏哭奠九旬畢遂投井死

陳氏

同安人年十七歸張鳳岐數月鳳岐疾篤氏泣謂  
夫曰倘不諱當俱逝及卒氏請夫兄立子為繼越

九日遂  
自盡

蔡氏

晉江人李喬新妻夫卒蓬垢紡績育二孤子嘉靖  
季年賊至焚其夫柩次孤為僇蔡痛憤大慟自刎

於前和賊駭愕舍長  
孤去萬歷中旌表

黃氏

晉江人適徐譽六月而譽故氏哀毀  
欲絕匝月自縊以殉萬歷時旌表

許氏

晉江諸生林有棻妻有棻被陳可瀛毒死氏痛未  
能復仇不忍偷生屆卒哭日焚香自縊仇竟抵罪

萬歷間  
旌表

孫氏

晉江人吳廷桂未婚妻幼解經史廷桂死孫欲奔  
喪母兄諸父止之不能也入夜徒步携吳所納采

雙金爵以見舅姑拜畢奠柩側無離次而言其死期  
好事者助其舅資使庀美木孫聞之曰死而資夫人  
木耶家人曰舅所治也走視之曰木以美逾吾夫非  
禮矣邵之以槨櫬來乃許之屆期縊死書衣帶中云  
男母附尸  
女母啓衣

彭氏

晉江漆匠妻夫卒朝夕哭奠貧不廢禮聞孫氏死節同日自縊

陳氏

晉江人許配蔡遵課未娶而遵課旅歿氏聞訃匍跣迎喪伏柩哀號遂絕粒而死萬厯間旌表

姚氏

惠安諸生陳文繡妻少通孝經列女傳文繡卒姚賦詩剪髮納柩中屆五旬為文辭家廟奠文繡拜

姑適拜親黨遂自盡萬厯中旌表

葉氏

名坤隨安溪窮山女也嫁許志超七月志超死坐卧柩側不離次越三日焚香請告剪髮誓死絕飲

食者五日姑強之歡米湯而已或勸之曰婦誠自苦顧我等居深山中幽遐僻昧誰知而旌揚之者婦曰盡吾心耳永訣之晨諸娣如悲泣不自勝婦顏色如常拜謝舅姑及夫之弟自縊死萬厯二十一年也事聞旌表

呂氏

晉江諸生蔡國襄妻夫歿氏年一十七歲矢志殉夫悉斂其簪扇筆研納夫懷袖於三七之辰懸帛

自縊萬厯

時旌表

康氏

同安諸生吳泰妻嫁甫四月泰郡試病亡氏慟不復息旬餘自縊萬厯間詔旌

陳氏

晉江姚楷未婚妻也楷卒氏躡踊奔喪撫柩號慟遂不食死萬厯間旌表

陳氏

晉江人許配黃崇楠未婚夫死氏甫十六歲奔訃自縊萬厯時旌表

莊氏

名願貞晉江人歸吳煒未婚煒卒煒臨盡願貞許之死矣既卒父母知之以其祖母與卧起莊辭祖

母曰吾夫無以為三年服者吾何忍死祖母還報其家其母尋諷以他適願貞憤而自縊

蕭氏

晉江舉人蘇忠妻忠游清溪卒於舟次報至氏慟哭殞地出殮殯於溪許不殮者九日翌日奠几筵



畢至柩所哭盡哀歸  
沐浴盥櫛懸帛自縊

盧氏

同安人適黃應考甫逾年而應考歿以徹靈之日自縊時年十七歲

祖氏

崇武所百戶祖宗源女嫁黃舍人夫死守節不  
二其姑亦寡婦也不令相安遂悲憤自縊死

林氏

惠安林毓女許婚李氏子將及娶李氏子溺死報  
至廢殮寢寢父母謀媒妁遂自縊後十餘年邑羅繼

宗聞其事為改葬歸  
骨於李氏子之邱

黃四娘

晉江人江甲耀妻甲耀久病黃敬奉無厭情侍  
寢而啗其餘甲耀卒屋小無可以厝柩既殮即

欲出瘞之黃曰請待  
旦入房沐浴自經死

黃氏

晉江人陳章憲妻章憲入海賈呂宋為呂宋人  
所殺計至矢死姑勸止之強居三旬閤戶自經

顏氏

晉江人柯日蕃妻亦入海賈而死於呂宋者顏號哭欲死其父謹護之擁歸顏若為不死也者及小

祥告父曰女雖不死可無歸奠許之奠畢乘間自縊

王氏

晉江諸生何九轉妻九轉蚤夭男復殤氏遂自經以殉

謝氏

晉江人夫黃華南贅於謝甫三月入楚病亡喪至氏奔赴哭臨奠畢自經

王氏

晉江人歸吳壽一年壽卒即自縊以殉

吳氏

惠安人夫莊珊卒吳二十一無子晝夜號哭自縊以殉

許氏

晉江人適諸生林應元五年夫歿密藏殮餘帛及小祥日自經死

蘇氏

南安諸生傅禧光妻司寇茂相女弟也歸逾年禧光歿蘇請姑立後拜父兄訣別閉戶自縊

黃氏

南安諸生陳民安妻夫歿一子又殤遂哭辭夫靈以自縊

李氏

同安人年十九歸劉德昭再歲德昭歿氏誓以身殉德昭之叔義而許之已拜姑又拜妯娌沐浴更衣

衣懸梯自經而死

陳氏

晉江人方其娠妻夫卒年二十三朝夕哀慟不離柩側越數旬拜辭翁姑投繯而死是日風雨晝晦

鴉聲慘噪

陳二娘

同安人年二十適龍溪王從彝逾月而孀翁姑父母慮其殉也強舁之歸欲徐勸之二娘即以

帶自經而死萬歷時旌其門

陳氏

同安盧真賜妻真賜死氏有遺腹舉一男不育氏慟哭曰所以未死者為夫一脉爾今孤既殤何以

生為遂  
自經

許九娘

同安王廷岳妻夫歿孤四歲氏痛哭欲死母與姑以撫孤勸之居小祥孤殤氏大慟曰吾鞠兒

無功何面目謝吾夫耶日夜凭柩哭勉襄葬事至大祥日給其母曰兒甚病去此里許有靈神請為兒往

禱母去未半途而氏已縊死矣

趙三娘

同安人何公保未婚妻也公保卒趙年十六奔夫喪哀毀骨立父母憐之強携至家雉經者再

不得已復歸於何及卒哭之辰竟拜訣翁姑父母自經而逝

戴氏

同安人諸生陳耀奎妻耀奎卒氏年二十六痛哭欲殉祖姑及姑防之密乃勉終喪諸妯娌有探其

意者氏謂祖姑曰吾得從夫地下無憾矣禪夕乃閉戶自經死

陳氏

晉江人謝應祚妻夫卒引帛自縊帛斷泣曰得無有孕乎以筭祝之弗孕越七日遂殉

蔡氏

同安人適葉培翼甫一月而啓翼卒氏自刎死挺立移時不仆人咸異之

許氏

同安人夫張廷諧贅於許三月而歿氏即歸歛哭奠如禮越數月自縊靈側足不離地年甫十五歲

陳大娘

同安人許字呂重熙重熙卒大娘誓以身殉遂請於母奔喪入門哭奠畢取婚帖納袖中手白

練授二婢遂投繯而逝

林氏

名端娘晉江人陳廷策未婚妻聞廷策訃曰無殮也往死之父曰而何往雖許未幣也端娘曰幣與

許何擇哉父謹防之氏曰女何往不得死顧死陳躋耳父曰壻家貧孰周身曰身也乎哉曰壻家貧死孰標名曰名也乎哉遂往言死期及期理帛自經三拱而絕陳故家青陽山下山下人言婦將赴烈山鳴三

夜畫

蔡氏

晉江人年二十歸吳鳳來甫二月而鳳來旅歿蔡日夜悲號俟輓歸遂縊以殉

陳氏

南安人訓導黃思詔妾思詔歿畀以田園為終老計陳誓以身殉時嫡子一良方成進士俟其歸與

訣遂自盡

藍明娘

夫諸生黃祥獬未婚而卒明娘聞訃即悲慟自經死時有司設主入貞烈祠祀之其家住南門

橋因名為藍橋

沈氏

淮安人晉江御史吳從憲之妾也從憲病沈預矢不獨生及卒遂殉焉

劉氏

晉江人年十七適蔡之升甫八月而夫歿劉吞金不死遂絕粒自經

姚氏

永寧衛歐陽觀妻夫卒姚以死殉語夫兄鼇山哭奠七旬鼇山知其志堅許之及期告諸妯娌曰我

今日得從夫九京矣拜舅姑族

張氏

晉江陳殷莊妻殷莊賈於漳為人所害張聞變號慟仆地曰吾夫仇未報可令仇人得生哉廉得其

人訟之官竟不服一日出拜舅姑曰今喪禮成矣夫仇猶未復也當報於地下遂縊死年甫十八

郭氏

晉江陳殷道妻殷道死郭誓以身殉舅姑諭之曰爾有孤在若之何死也郭涕曰舅姑年未暮猶有

伯氏撫教遺孤願相從亡人於地下手持夫弟殷莊婦張氏死時所分遺物於其柩前焚之曰卒哭日與

汝相見也至期縊於中堂所懸帛則夫殷道殮餘也年二十五

黃氏

晉江諸生林翹妻年十六歸翹歿黃誓以殉屆期易服拜天地家廟及舅從容就義而死

李五娘

南安人夫林毓蘭早夭無子李欲殉翁勸以立後且緩死厥後嗣定哭辭於廟曰婦事畢可死

矣絕粒者旬有三日不死乃投繯而死

許三娘

南安人許聘王酉忠酉忠死粵東訃至三娘願至夫家而死母與兄嫂勸阻之其姑亦至約以

招魂後迎之不可即隨姑往設位哭奠投繯而死

楊氏

名未觀南安人吳維裾未婚妻也維裾遊學粵東而歿楊聞訃遂自經於堂中時年十八

郭氏

晉江人年十九許配曾氏子未嫁夫亡遂以是夜自縊數日陰霾不雨里人立石葬於其夫之側大

雨乃降

陳氏

晉江伍計妻計卒陳遂雉經以殉



林氏 安溪李鏜妻年二十八值寇入里被執林給以家藏財寶容同回取路過黃石潭躍入沉死越日出

其屍僵立不仆

許氏 晉江人楊再興妻年十七于歸一年夫天無子堅誓匪他服闋自縊

許氏 南安人夫傅帛未婚而卒訃未至女先入夢而駭之坐以待旦訃至慟哭失聲絕粒死

洪氏 惠安人適王孔貢孀居撫子聞寇至義不苟全吞金死

周氏 晉江人夫王命賡餓卒氏年二十截髮誓殉從容就死

王氏 晉江人年十七歸吳燾夫病籲天願以身代夫愈旋歿氏遂以歛布自經面如生

郭四娘 晉江人諸生吳佳鼎妻嫁數日夫死郭即欲死殉時姑亦病篤勉侍湯藥姑愈遂登堂自經死

謝氏

安溪人崇禎孝廉龔貞妻夫歿卒哭之期從容殉烈

莊氏

晉江優人黃興妻與在外托氏事翁翁歿氏賣薪買棺且貸於富室期俟夫償及聞夫病篤氏與夫

幼弟偕行間關五百里扶歸俄卒氏悉出敝衣殘器償所貸者夜服藥而死鄰人哀之為殮而合葬焉

李氏

安溪諸生張問行妻甫嫁一年而夫歿李氏哀毀骨立五旬縊而從之

鷺門義娘

同安人失姓名甫及笄遇亂被賊虜以頭觸石幾碎行至東嶽道旁投井死其後天寒月

白每見一女子往來井畔迫之輒隱康熙十二年有鄉人夢見女子曰吾屍陷井中久君能出而瘞之乎於是鄉人掘井果見白骨以素練衣裹合之及葬素練俱化為水鄉人異之

周仲娘

同安張綬妻綬卒仲娘至撒靈後從容縊死仲娘塚旁青草迴環蔓生不上墳堆者三載

葉三娘

同安張一睦妻一睦客死喪歸三娘矢志欲殉父母防之密至大祥日忽有白雞從空飛下三

娘曰吾夫生年屬雞是其魂來招我也遂自經死年二十三

陳酉娘

同安李起滄妻起滄死哀毀絕粒卒哭日竟自縊

范引娘

同安楊廷樹妻廷樹捕魚為生溺死引娘沿岸號哭三日夜淚盡血獲夫屍負歸葬之至撒靈

日自縊而死

年二十二

王六娘

同安陳台宜妻年十九台宜往交趾覆舟死六娘痛夫體寒欲燎薦其遺衣舅姑難之私謂所

親曰終當送達而後已撒靈之日夜自縊死將殮啓示其衣皆與夫之遺衣相連結遂並納棺中竟符終

送之語云

陳氏

同安許復晉妻復晉府試溺死訃至陳遂自盡

吳氏

同安許子輝妻夫歿年二十六至禪飲藥死

張七娘

同安許致允妻夫死卒哭日自經年二十一

王五娘

同安人受聘許世鍾世鍾遠遊娶日未歸迎婦以待越三日世鍾訃聞五娘自縊而死年十九

洪氏

同安人許元妻嫁半載元死於外訃至自縊而死

李怨娘

同安張子異妻年十八夫死怨娘即日自縊殉之

黃大娘

同安陳安衆妻夫死年二十三自縊以從

劉細娘

同安陳肇崗妻肇崗死家貧夙逋甚多細娘曰吾固當死但遽自引決使夫受逋負之名死有

餘憾於是鍼刺紡績銖積寸累及三年夙  
負盡酬謂夫妹曰今事畢矣遂自經死

許蓮娘

同安陳汝光妻賊劫其家將掠之去  
蓮娘抱樹而哭罵不絕口為賊所殺

許靖娘

同安黃貞妻貞  
死自縊從之

許酉娘

同安呂登三妻夫死殮畢即葬酉娘命作二穴  
工不從自以兩手爬土指皆出血姉擁之歸

竟自  
縊死

許氏

同安陳元登妻夫卒許飲藥以殉者屢皆  
以救甦乃佯改度自縊而死年二十二

許良娘

同安黃鼎在妻鼎在為城  
陷而死良娘聞訃遂自經

蔡二娘

同安王廷椿妻  
夫死投繯以殉

陳八娘

同安董嘉遇妻嘉遇驚技外方數歲無音耗父母諷使再適八娘不從後十三年嘉遇歸未一

載而死八娘遂自縊

邱引娘

同安謝玉妻玉死自縊從之

李錦娘

同安林繼賢妻夫死卒哭日縊殉

何三娘

同安陳以恕妻夫死即取夫殮餘帛藏之是冬瀕海有警三娘避於母家警退而歸即以夫帛

縊死年二十有一

謝愛娘

同安人許字陳五美五美歿愛娘聞訃奔喪至撒靈日投繯而死

王英娘

同安董尾吉妻尾吉溺死英娘夢夫歸遍體冰冷驚問之曰予自水中來後聞知夫溺狀遂自

死經

徐賽娘

同安黃尾妻尾死殮時與夫同入棺中姑及妯娌持出葬時復自投穴中強扶之歸竟自縊死

郭氏

同安諸生李躍龍孫婦嫁五月夫死欲殉舅姑防之毀容不飾至大祥日哭奠自經

以上

貞烈

未經立傳者附後

楊氏

黃公憲妻

曾氏

莊允祥妻

郭氏

楊拱文妻

胡氏

諸生蔡雲岳妻

張氏

吳天

士陳氏

林知言妻

李氏

葉邦慶妻

洪氏

楊期鳳妻

洪氏

張瞻雲妻

林氏

履源

妻

蕭氏

郭必馨繼室

黃氏

王士林妻

黃氏

詹仰賢妻

以上俱晉江

縣人

戴氏

洪有秩妻

傅氏

李溥麟妻

徐氏

林彬野妻

史氏

洪有臨妻

蔣氏

黃鷺妻

黃氏

陳耀聰妻

以上俱南安縣人

林氏

何伯瑾妻

何氏

錢忠母

蔡氏

方吉妻

江氏

黃濟妙妻

以上俱

惠安縣人

葉氏

郭貴貞妻

鄭氏

池宗寶妻

許氏

蔡貴成妻

黃氏

舉人陳思誠妻

陳氏

黃日

望張氏

蘇子度妻

以上俱同安縣人

黃氏

彭士元妻

何觀

陸大奴妻

詹氏

楊魁杰妻

黃大娘

詹鳳翔妻

陳氏



謝志謝氏詹鹿鳴妻王氏吳鳴鍾氏林鳴盛妻吳氏傅嘉祚妻以  
上俱安溪縣人

### 國朝

蔡氏晉江人吏部蔡國炳孫女年十八歸陳宇暉三年而寡貧甚兄憐之諷以他適蔡怒不歸寧者二十  
載年六十八卒

洪氏晉江人洪培標女秦士楚妻也士楚歿養姑撫子危苦不移先是培標次子為仇所誣全家俱戮長子子甫七歲奔秦家匿之兵大索家人俱避焉洪曰吾固不惜一死孤死是無洪氏也獨不去捕者詰之曰無之脅以刃答如初捕者怒及下被數創終不言匿處君子以洪能報死父豈背亡夫哉年五十六卒

郭氏

晉江儒士蒲肇基妻年三十夫歿事姑撫嗣慈孝兼至守節三十餘年

張氏

晉江人蔡恒衷妻恒衷歿張守志撫姑事舅姑孝謹年六十八卒

洪氏

南安人適安溪李蜚碧蚤寡遺孤四俱幼姑在堂家無斗儲洪事育取諸十指荼苦一十五年四孤

稍長乃能釋母之憂

蘇氏

同安舉人蘇國蘭女年二十適蔡元珪四載而寡遺腹七月依母家以居進士蔡驥良其孤也卒年

五十  
二

周氏姊妹

同安進士周家椿孫女也姊妹姑適陳渤年二十渤卒周剪髮一縷納荷囊中示無他志

事翁孝翁歿撫孤以終妹申姑適蘇開世年十七夫且死語氏曰別矣家貧無子奈何申姑泣指腹曰天

未絕君生男誓以死撫之不然從  
地下爾後亦撫孤以終人稱雙節

林氏

同安舉人林炯女諸生陳蘇來妻年二十八夫歿  
欲殉舅姑慰之曰撫孤勝殉死乃從命撫孤霞克

底成立壽

六十八

鍾氏

同安顏德繼室二十而寡前室有三歲孤撫之至  
成立厥後孫婦李氏亦年二十寡遺腹不育欲自

經鍾勸以立  
嗣永霜共矢

蔡氏

同安儒士張鑄妻二十八而寡事姑教子  
孀守六十餘載康熙五十二年旌表

鄭氏

同安諸生陳弘驥妻二十七而寡矢志  
撫週歲孤年八十餘卒子尚勗明經

王氏

同安人知縣王廷蓋孫女葉登遠妻年二十二夫  
亡悲慟瀕死者屢姑以立嗣慰止之家貧撫訓嗣

子遊於庠尋天與婦詹氏撫孤孫相依勵操閭外罕得聞聲

陳氏

同安儒士林文球妻夫死遺腹生子廷幹荼苦撫養弱冠有聲邑庠

詹氏

同安陳珊卿妻二十而寡姑歿母諷再適不從孝事舅及舅妾三十餘年夫弟生子請於舅立為嗣

年五十  
有五卒

劉氏

同安進士劉望齡女蔡鏞妻年二十而寡矢節終身

葉氏

同安儒士陳衡卿妻年二十七夫卒遺腹生男撫養成立年五十五卒男昌祚明經

胡氏

同安人諸生陳琦妻琦入閨病歿胡年二十守志事翁姑立夫姪為後撫課成立

薛氏

同安人諸生洪道亨繼室二十八而寡終身茹素不施膏沐督課兒孫後子宸欽貴人艷之壽九十

陳氏

同安人年十七適諸生林洪謨三載而寡苦節三十餘年事姑孝敬不衰

周氏

同安儒士李禹錫妻年二十寡事姑克孝終身無玷壽七十四

許氏

同安周興宗妻興宗客死許年二十九事舅姑撫孤兒苦節可欽

蔡氏

同安諸生劉長庚妻青年守節終始無瑕

林氏

同安劉運應妻年二十二寡舅宦遊林脫簪珥為夫弟畢婚妯娌繼天資其喪葬而育其孤

郭氏

同安諸生李時升妻年二十七夫死守節不二

胡氏

同安人陳家相妻年二十八而寡撫七歲孤遭兵燹背祖像二軸以行所遺祀田宗器兢守不失子

娘登  
武科

劉氏

同安儒士張俞卿妻年二十四寡育子事姑力貧不懈歷年八十餘

劉氏

同安諸生顏文高妻年二十五而寡時值饑饉百挫不移卒年六十九

楊氏

同安洪賜妻年二十一賜歿子方週歲撫養成立卒年六十二

莊氏

同安儒士葉寅馥妻年二十三夫卒以紡績營葬三世柩拮据課孫曹讀書

李氏

同安孺士葉孕郁妻二十八而寡撫子事姑險阻備嘗無改志

陳氏

同安黃亦謙妻二十九而寡苦節四十年撫孤衍璜成立入邑庠

陳氏

同安儒士葉敦毅妻年十八歸毅未幾毅歿苦節自持撫嗣子成立

黃氏

同安許天驥妻年二十夫死就縊者三母慰留之遂依母家勤女紅寡言笑語島播遷夫家僅遺一

幼姪撫養成人

葉氏

同安陳重蔭妻夫死栢舟自矢孝養舅姑鄉人義之

吳氏

同安連以敬妻年二十一夫亡苦志育孤一生冰潔

柯氏

同安孫廷芝妻年二十一苦節孝養舅姑立孤承祀

方氏

同安粟克昌妻年二十而寡撫督遺孤終身不修容飾以壽終

侯氏

同安林謙益妻二十七而寡遺一孤家極貧守節至七十四歲

趙氏

同安黃兆美妻年十八歸黃生男學舜五月而兆美歿時濱海變遷家計中落艱險備嘗晚歲學舜

入成均孫閣蜚聲庠序  
孫曾滿前年九十而卒

蒲氏

晉江謝廷拭妻年二十五夫亡矢志  
三十五載康熙五十九年旌表

李氏

晉江儒士郭彥郁妻年二十夫亡撫孤必緒成立  
任儀封令壽八十五雍正二年旌表祀節孝祠

傅氏

晉江儒士李光鼎妻年二十四夫亡撫孤成立  
卒年八十有七雍正二年旌表祀節孝祠

黃氏

南安人儒士洪道炯妻年二十六而寡下撫幼子  
上事舅姑勤女紅不輟歷節四十年雍正三年

旌表祀  
節孝祠

陳氏

惠安儒士朱中哲妻年二十夫亡食貧矢志事姑  
撫子年六十一卒雍正三年旌表祀節孝祠

洪氏

惠安儒士駱道弘妻年二十五寡矢志節撫孤  
至七十餘歲雍正三年旌表祀節孝祠



劉氏

惠安諸生駱紹高妻二十一而寡奉姑教子  
孀居六十載雍正三年旌表祀節孝祠

余氏

惠安儒士張龍起妻年二十五夫卒奉老姑撫遺  
腹子孀守四十餘載雍正三年旌表祀節孝祠

黃氏

惠安貢生張燿妻年二十一夫歿號慟欲絕強起  
奉老姑訓諸子避寇難手挈老姑入山生死不忍

相離督諸子皆遊泮壽八十一  
雍正三年旌表祀節孝祠

蘇氏

惠安諸生張偉如妻年二十五夫歿哀毀欲殉念  
堂有祖姑及姑二子在襁矢志孀守備歷艱辛至

八十二歲後二子及孫皆相繼遊  
庠雍正三年旌表祀節孝祠

駱氏

惠安舉人張燭妻燭歿年二十五歷節  
三十餘載卒雍正三年旌表祀節孝祠

張氏

惠安諸生駱其驛妻二十二歲夫亡食貧撫子勤  
儉減殮以葬舅姑年六十七卒雍正三年旌表

祀節  
孝祠

陳氏

晉江人川東道陳俞侯女鄭承棟妻年十八夫歿守節三十八載雍正三年旌表祀節孝祠

王氏

晉江監生陳兆麟妻年二十八而寡奉養舅姑克盡婦道撫二孤成立至五十一歲卒雍正三年

旌表祀  
節孝祠

黃氏

晉江諸生林登驪妻適數載無子促夫納妾撫庶子如已子年二十八夫亡女工累積營葬舅姑及

夫壽八十有四雍正三年旌表祀節孝祠

孫氏

晉江儒士蘇夔妻年二十八守節節撫孤歷五十三載雍正三年旌表祀節孝祠

傅氏

晉江儒士黃時可妻年二十三喪夫撫子成立寡守三十餘載雍正三年旌表祀節孝祠

洪氏

南安儒士王中靜妻年十九而寡勤女紅以事舅姑立夫姪為嗣撫如已子孀守三十載雍正四

年旌表

祀節孝祠

李氏

南安舉人李喬棟女諸生黃異望妻年二十三夫歿有遺腹子撫之成立壽八十五雍正四年旌

表祀節

孝祠

王氏

晉江儒士楊銘鵬妻二十五而寡誓死撫孤卒年八十一雍正五年旌表祀節孝祠

陳氏

晉江監生黃頤駟妻年二十七而寡與妾田氏共撫四孤成立卒年五十八雍正五年旌表祀節

孝

祠

李氏

同安人太常李懋檉孫女適儒士張應斗年二十四而寡遺腹六月苦節撫孤孤對墀有文名辛丑

進士任太康令氏孀居四十六載雍正六年旌表祀節孝祠

何氏同安儒士王天祐妻年二十喪夫撫週歲兒事七旬舅姑皆從紡紆中出值邊海播遷舅姑繼歿家

無擔石拮据殯殮如禮撫子成立壽八十有九雍正六年旌表祀節孝祠

姚氏晉江儒士楊朝勲妻年二十八夫歿姚事姑育子歷六十餘載雍正八年旌表祀節孝祠

劉氏晉江車乘鳳妻年二十七寡家貧撫二子事老姑茹荼矢志三十五載雍正九年旌表祀節孝祠

蔡氏同安黃忠妻早寡苦節三十餘年雍正十年旌表入節孝祠

陶氏晉江周泰可妻年二十八而寡卒年八十四雍正十一年旌表入節孝祠

劉氏安溪謝復淑妻年二十九夫卒撫孤守志壽踰百齡子孫俱入泮登賢書雍正十一年旌表入節

孝祠

陳貞姑 晉江人父年老喪媼貞姑未字治女紅以奉甘  
脆遂自誓不嫁父年九十五卒貞姑哀痛繼殞

里人比之北  
宮嬰兒云 以上節孝

張氏 晉江儒士李肇驛妻肇驛歿未殮張具  
盛服拜哭遂閉戶自經年二十有六

朱氏 晉江人歸呂氏子事翁姑孝夫歿既殮即欲  
殉其家防之密至卒哭日乘間鍵戶經死

林氏 泉州永寧衛人夫歐陽八哥以醫遊四方林紡經  
自給順治丁亥山賊至林恐為所污偕女子二人

投於劉衙前之池里人葬之時林之母家嫂妹  
三人一經於卧內二赴水死蓋同日有六節云

鄭氏 儒士蘇獻臣未婚妻夫歿聞訃閉閣飲泣至夜沐  
浴更衣私囑幼婢曰死必合葬於蘇遂自經死顏

色如生

阮氏

名清霜晉江尚書林學曾養女也年二十嫁張開宗甫一年開宗死越五日阮服嫁時衣鍵戶自經

二烈婦

同安人失其姓順治戊子寇亂嫂與小姑避賊石馬寇至挾小姑不從以刃搥其胸血濺寇面

死旋挾嫂嫂又不從寇亂斫之二屍顏色如生

歐烈女

永寧衛人許字林氏子未歸而殞女誓不更適既父母歿一弟十歲女摩其頂哭曰吾死於林

義也顧父母死爾何依不偷活無以謝先人自是躬紡績而坐弟於旁課讀不輟順治丁亥遭寇自破其面搗藥汁和血塗之弟被執女哀號抱持瀕死不去主兵者憐而釋之弟成立女一慟而絕

曾氏

晉江人適陳保素夫歿曾以夫弟幼忍死撫之至成立乃告廟曰叔已受室陳氏之鬼不餒矣未亡

人今得死所遂  
絕粒七日卒

林氏

永寧衛人歸歐廷琰順治丁亥土賊入據衛城林率二女赴水死里中女從死者十餘人數日屍浮

皆相抱持糾  
結不可解

扈氏

北平人年十七歸鄧宦某為妾嫡妬閉氏幽室數年不得見鄧歿嫡乃出之氏莫柩前自經死衣帶

有詩云征塵萬里伴夫君冷落深閨哭不聞薄命蛾眉終見妬一縑傳送到燕雲又云飛燕伯勞此日分

斷腸無計暗消魂願從野蝶  
依青草携手雙雙到鬼門

張氏

惠安儒士王錫祉妻夫歿慟哭幾絕至成服日囑夫兄弟代事翁姑遂投繯而死

李氏

名瑞娘南安諸生葉應選妻生一男不育應選卒乃潔治衣服伴為歸寧計家人不及防遂自縊年

二十

周氏

同安儒士陳是演妻夫卒慟絕復甦私辦殯具至卒哭日沐浴更衣縊死

鄭氏

仙遊人適惠安王汝夫卒順治十三年寇至繫鄭馬上過洛陽江遂投江死

殷氏

安溪儒士柯仲妻未踰年仲歿殷自縊姑救甦之順治己丑邑亂有鄉豪欲強委禽殷慟籲於官卒

自經死年二十一

蔡五娘

同安紀四妻順治丙申賊掠其家劫以及不受辱賊殺之至死猶手執衣帶不脫

許氏

名高娘同安黃安觀妻夫亡慟絕復甦者屢及週年父母誑使歸寧欲奪其志許於夫小祥日伺母

外死遂自經死



黃二娘

同安陳泗觀妻  
夫卒自縊死

黃氏

名月孃晉江儒士歐陽復妻夫疾禱天願以身代  
及死絕水漿六日沐浴畢拜辭舅姑就縊死年二

五十

許氏

名吉娘晉江陳元超妻元超商於粵卒許聞訃哀  
慟欲殉念舅老無依乃止既而舅歿許鬻衣具殮

服畢遂  
自經

陳氏

惠安人王定安妻媳游氏順治十三年寇至姑婦  
俱為所獲男被殺游投井死陳號泣曰婦能夠夫

余忍獨存  
亦繼之

蘇聘娘

惠安人許字孫高年十七未嫁孫高為虎所啗  
聘娘聞訃欲身殉姑以年老家貧哀諭遂留奉

姑逾年竟喘絕死

吳氏

晉江儒生翁嗣光妻夫卒誓不獨生越七日拜辭舅姑從容就縊死

陳氏

南安儒士吳肇煒妻翁宦江嶺肇煒往省父歿於途陳聞訃遂入室語侍婢抱幼子出閉戶自經年

一二十

蔡氏

晉江人適吳瓜生瓜生歿蔡日夜哀號水漿不入口十餘日復自縊

黃氏

舉人黃鳳翼女適惠安王錫祉夫病經年湯藥罔懈及死三日後自縊以殉

鄭氏

同安諸生周之翰妻康熙十三年逆卒數掠城中鄭恐不自保竟舍二子赴水而亡

傅氏

名敏娘南安趙盾芳妻盾芳卒傅年二十二無子奉姑撫幼叔數載有豪弁欲奪其志氏若勿聞者

為夫措宅於祖墳之旁旋屬傭為吾留一席地約  
所善女伴云將有遠行某日幸相過女伴疑其戲耳  
尋白姑曰小郎漸長婦死無憾矣姑力挽之佯  
諾夜自經後園橘樹下即向所預約之期也

林氏 同安吳子俊妻夫死卒哭日縊家人解之復引藥  
自刃皆以救故不獲死乃佯為歡笑如平時防稍

懈遂  
自盡

葉氏 同安劉畿妻畿殞於  
盜葉即自經以殉

許氏 蔡廸愚妻晉江人  
寓厦門夫死自縊

鄭氏 名隨舍同安舉人鄭中階女年十八  
適劉脩脩歿誓不獨生明年投繯死

林城娘 同安人適陳氏子夫死林  
年十七遂以夫魂帛經死

黃氏

同安陳雙妻雙死黃自經以殉

郭氏

同安儒士葉廣朝妻家貧脫簪珥佐中饋夫亡郭年二十四毀形絕粒而卒

王氏

同安楊六妻夫死王年十七撒帷之日集父母兄弟曰勿驚吾繼姑也投繯而逝

楊氏

同安沈勇妻勇死自縊殉之年二十四

許氏

名初娘同安陳京妻為豪家所逼義不受辱被豪擊死屍無完膚後豪母見許為祟暴死

陳氏

同安曾家婦曾溺死陳自經死之

邱氏

同安魏準生妻夫死年二十二母勸其再適不從小祥日自盡

黃招娘

同安許彭妾遇悍卒張考強污不就死之

紀氏

同安陳陣舍未婚妻陣舍歿紀奔喪殉烈

劉宜娘

同安人許字蔡德德死宜娘誓不再嫁有議婚者至遂投繯死

林科娘

同安人許字李燕未婚燕卒科娘聞訃自經死繯絕墜地猶挺立不仆

洪標娘

同安人諸生鄭毓濬未婚妻毓濬試臺灣船被風飄逾年無踪父欲再議婚不從遂自盡

林雅娘

同安人許字海澄謝昂昂病劇母彷彿見女子榻前以為祟也獲之如故昂死雅娘自縊昂母

憐之往視其斂驚曰曩之日侍兒病者乃吾婦也耶吾習其容久矣兩家異之卒歸葬於謝焉

張氏

同安人許聘陳郊郊歿張年十九聞訃奔喪越三年自縊死與郊合葬

黃奕娘

同安人許字王鳳鳳歿臺灣訃至奕娘自經

陳八娘

同安人許字林萬燧聞夫死八娘遂以身殉

吳氏

同安人許字林燧燧歿年十九聞訃奔喪一慟而絕

石錦娘

同安人許字林原原歿錦娘聞訃服藥而斃

黃氏

晉江儒士陳仕衡未婚妻仕衡卒黃氏即自縊雍正二年旌表祀節孝祠

徐氏

晉江儒士黃汝觀未婚妻夫死自經以從雍正五年旌表祀節孝祠

鄭氏

惠安儒士孫洪籌妻嫁三月夫亡哭奠期年投繯死

吳藥娘

惠安人田家女也甫笄而好母命往園取瓜行經陳景蕪園景見而悅之戲謂曰若敢盜吾蕪

耶藥娘詈罵景怒遽毆之裂其下裳藥娘大聲呼救得脫歸訴諸母忿甚夜自縊雍正五年旌表祀節

孝祠


胡氏

晉江人拾柴回家途遇王路調戲力爭脫歸暴到  
晚又潛入其室撫摩其乳氏羞忿自縊雍正十三

年

旌表

以上貞烈



福建通志卷五十六